

筆記小說大觀

集

玉芝堂談薈

明徐應秋輯

第一冊

進步書局校印



明徐應秋輯

玉芝堂談薈

上海進步書局印行

玉芝堂談薈提要

明徐應秋撰凡三十六卷訂正名物考證掌故往往而是一行作吏記誦猶如是淵博可謂卓然特出雖編次叢雜不無繁贅而旁搜遠引寧冗毋漏亦有足資考訂者駢駕於說郭之間當無愧色不  
得以體例小變而外之也惟援引昔人文字強半不標明某書不特有乖體要且蹈攘善之愆桐鄉陸敬安曾糾其失後之著書者大可借作前車也

玉芝堂談薈序一

混聞以來日回月周六合之大何所不有士而不能曠然劉覽通天地人之氣於一身是王仲任所謂毫社也博物之儒欲彙撮宙合一部內以自怡外以資糧人世其難有三井目溝衷保鄆守陋江南吳不信有千人帳江北漢不信有萬人船則博涉之難宿物相沿重鯖沓跖畋疆於北堂鈔初學記以下諸書舉柴以近代晦伯之天中明卿潛確遂之猶誇丘陵獲侈君庖焉然不過首以確隕尾以動植使覽者食穎欲高食指難下其名曰飲則采異之難捨丹青而撇素髹厭五嶽而躐桃源日趨拾遺洞冥酉陽雜俎脚下盤旋而無關乎禮樂冠履唐皇皇之掌故其俚者敝絮滿篋不可庭實其幻而難備捉燐也拾潘也則輯雅之難去此三病不另手眼以劈之串之又一病也庾子山曰胸中無學猶手上無錢五銖襍襍而無一繩之貫雖可富國無敵亦地上流而已矣

雲翁徐使君足篆成文胸珠記事自舞象讀家 賜書迄今政暇日可等身目過不佚官勝私楮拶牢都盡舉還古來幽明之殊狀人天之變際污隆之區候祥膏之眈微靡不物尋其母事從以妃珠探久睡之驪金採未吐之烏肉好紛漫一一絲聯而

繩貫之仍為指其籍本俾未矚者胆引於領新者其疏義俾已涉者神繫於溫故斯  
婢媼中之陶倚可三十六鑪而泉遠者也

使君不忍枕寶削以公人題曰談蒼蒼之為言叢也昔馬季長夢一樹花摘噉至盡  
是後文思湧進前徒後效樂絳帳之業右武左文流廣成之頌

使君蓋先有一樹之天地於胸中而廼以斬新日月恣人摘噉者乎是集所最卓者  
首以帝王瑞誕冠篇而神聖降辰次之明乎統正烝降閔氛寢其奸魄并知神宵人  
咫尺臘息其妖喙洵四輪之枉柅百靈之鈐鍵也風俗通曰女媧初造人物用黄土  
搏弄及其劇力不暇供則引繩泥中舉以為人故富貴聰明黃土人也貧賤凡陋絀  
人也夫以女媧之能劇成許多不齊之人

使君乃將數千年清眇濁息羅列於寸管之下形無量形象不勝象各開生面若新  
出於坯此其耐劇神力欲過女媧遠矣余請無幻言之抑就讀書法暢言之讀書眼  
欲點如賈胡到處輒止心欲儉如惜福人飯間粒墜必拾入口大抵有英華有根核  
十分贍漬必二十分參挾贍而能參則詖語俚謠亦可進合宮而入清廟蝶生蟋死  
亦可悟因果而見性情言用其華德功用其核過去存其英現在未來存其根能贍

而不能參文苑橫從猶蒸種耳

使君棠蔭吾閩民無遺便原其靖共六察皆繇遊戲三餘异日躡乎斗衡親夫  
旃旆稽古之功

天都人俞富民之術日長月引所謂九德載采采乃底可績者神而明之矣區區識  
顯節陵之策文辨乾德年之宮鏡問以移中監而不皆芒試以一苟一方二字而直  
決為三教經典所未經行秘書耳何足為房杜聲價乎

使君屢對吾黨口不誦文正似玉山之禾滔滔三變彌垂其首委弁於余余怖甚然  
且為之非不自量四寸而託高山射干之幸也夫

治子陳士奇盥手拜題

談薈序二

古來四部散在牙籤而子部之中有說家有類家類家繁富行者亦罕說家自數百卷而下至一卷二卷皆足已傳故行世獨多變羣玉樓藏書目於說家分為四種不欲其空出無別也一為錄事如古臨川世說范雲溪友議及近世何氏語林之屬是也一為叢談如古蘇子瞻志林羅大經鶴林玉露今陳仲醇讀書鏡長者言之屬是也一為考證如古王勉夫叢書王伯厚紀葺近世楊用修丹鉛焦弱侯筆乘之屬是也一為合纂蓋紀畧談宗物原義肆雜奏阿堵上如古沈夢溪筆談葉石林燕語近世何燕泉餘冬王弇州委宛之屬是也雖復煩簡倍遠炎詹不一然以發舒繪水鼓吹蓬山亦各一臂之助若夫包絡羣象總統萬家見聞聞別成巨麗近代以來指詎數屈者乎雲林徐公夙在駒齒早成龍文一目十行貫穿無爽而自其敷歷中外稱文武才亦其胷中饒有今古故在事迎刃每放衙恆手一編盛有揚推自非軍書旁午訟牒紛紜未嘗廢紫石潭間事云公每延接絕未嘗以文義自侈顧先是祠部曾典粵試所作程式文圖推為棟樑比莅閩憲武闡諸篇五兵縱橫人嘗禁嚮知隆鼎味久矣紳縉已撰著來質公者領畧殆遍輒能縷舉其箇中意及意中事選已相



質其耽學皆類此最後酒間乃徐及所著談薈使人如聞沆漑醍醐便舌瘞不能待久之始出其刻成若干卷見貽因得而披閱之大都符瑞之先徵圖籙之永固與夫遭逢之特達門祚之延綿又若豐嗇之互岐榮枯之迭轉或術業之偏至情事之倒提以至氣數之偶鍾力命之爭道幻化之微渺幽明之關通下及瑣族之織塵裔夷之訛俗凡盛事異事碎事有彼此均茵前後沓軌者肇自元始迄于今茲匪惟墨莊且兼肉譜按部連彙各歸其班向者散見宇宙而今甫合絡為一畏耳其先哲傳述與事互見者並存楮尾爰志大成世有值索駝而疑腫背讀此庶用水釋彼望洋向若如河伯見小之愧又可勝道哉是編援據明確蓋考證為多而就中一段議論奕奕動人又參叢談而踞其勝地其於說家宜置合纂因憶太平廣記雖五百卷直割裂他人書緝綜成帙非關徐氏之屬綴譬如乞得名園花卉進供瓶史公則身自剖蚌編是珠簾難易相去可謂懸絕昔人間取事之符合者綴以示人不過一再見此猶翠之一羽豹之一斑公則縻峻之湛深而蜃脂之炤耀自非腹中萬卷左右逢原必欲攤帙尋求茫無畔岸即捷足自命者未易湊手也此余所巨心折公也嘗嘆士大夫不可不多讀書腹可無書則仰觀昊蒼便可無日月星辰成何法界惟圖籍等

身櫛柄在握便覺事事淹卻從公蒞閩濤門雲扃有大驅遣而成筭自夷竟資式過  
誰非學問之得力是編在公以為筆端遊戲顧已籠罩哲匠鞭策羣倫正承露以蘂  
芳乃因颺而凌緬矣或問公居恒延接所不侈張文義侶薄雕蟲者何故余曰公偉  
人也元非沾沾所就自為伎倆即如水陸清蕩賁及笄鏡公何嘗對人自矜而功之  
乎何況立言為第三着也客阻而退會公擢右方伯當之會城徵言下走命弁編端  
夫貧家得談薈三十六卷以映帶其藏冊故已奢矣豈有螢燭堪益天暉者哉

部下逸民張燮紹和頓首拜撰

附紹和手書

玉芝堂談薈序敬搜枯腸奉塵大冶語不能工其于叙次四部差有來歷恐耳食  
者誤指以為類書故詳言之若夫腹笥萬家流于既溢剖璞皆玉有珉有琨觸石  
皆雲為嵩為慶尚未能十分模寫是為慚耳

玉芝堂談薈小序

玉芝主人無他嗜好喜讀未見之書雅慕博綜樂稱布有之事自知鉛槧日暱縹緗泊通藉于金閨暨服官于銀艾青鏤頻握黃嬭彌親游鞞環周笥多收于秘本斐膏展誦目頗涉夫羣編譬觀龍宮海若之藏吁其駭矚擬登玄圃增城之峻曠矣奇觀因嘆香薺千齡造物常恣獮狡浩蕩六合幻化莫可端倪舉尋常意想之所未經多古今載籍之所已備惜學人少見而多怪致往牒似誕而疑証用是自同脉望時問弘成行濟之珠輒命隄廡錄置茂先陟釐之紙于闌浮玉投石以收林邑飛金望螢斯採既竭結隣之潘宛萃吉光之裘遇境探琛將羊髯于九館涉川搜秘絕寶母于重淵同事則連類以都膚互載亦綴芳于不律大都標神道之妖祥記山川之靈怪表人事之卓異著物性之瑰奇金壺灑墨傾說苑于虞初鹿茸開囊暢言泉于稷下照廡遍徵夫結綠琴龍惟取于空青疑然犀以走百靈幾化齒而為五色用供災輶稍破拘墟未及典謨垂世之經奇止輯史傳解頤之雋永名之談薈竊附說鈴赤虹化為黃玉識緯故不廢于聖門金簡授自玄夷山海每多書于異物恐成駭俗聊代解嘲世有弘覽之通人堪佐雜俎之別種云爾

鄉媛外史氏徐應秋書于菑園

玉芝堂談薈目錄

卷一

帝王誕生瑞徵

神聖降生日辰

帝王符命

帝王瑞應

歷代世紀

即位紀元

正統紀元

偏竊紀元

篡賊偽號

夷狄年號

國朝遠過前代

四種輪王

五德遞王

帝王享國之久

天子別號

舉孝廉為人主

外夷朝貢

卷二

一門執象笏百人

三女各生一朝天子

父子配享廟廷

出入將相最久

珮六國印

官階繁貴

文武交互異數

少年早達

高年居位

內職移為將相

三及第俱拜相

父子兄弟狀元

三兄弟同舉

歷代狀元

三元

一姓十一解元

卷三

賜龍鳳牌

賜文臣第

賜居第額對

賜印記

考滿非常恩賜

賜土官服色

宮室土木之侈

自奉之侈

以貴而富

權貴侯王富

恩賞之侈

賜黃金

進奉之侈

權貴籍沒財賄

卷四

飲食之修

如來三十二相

人壽四萬八千歲

十九世同居

七歲有聖德

兄弟十龍

一胞五男

男女六十九人

老嫗八十二生子

人身神名

卷五

數有前定

事有巧合

事同禍福異

禍福難料

世事倚伏

三世將相

仙釋將相誕生夢徵

御龍登天

夢鳳集扇

古今事相類

卷六

同姓事相類

夢見盤庚

楊通幽考召

喫酒救火

乘槎入漢

御溝題葉

封事削藁

夢筆生花

縱囚復歸

呂氏右袒

文種賜屬鏤

張仙挾彈

紀信誑楚

倩女離魂

鴈足繫書

西施隨蠶

孫位畫水

甯逢乳虎

飯後鍾

嫁妓女

并衣凍死

卷七

擲果滿車

雷破柱不驚

鬼董狐

登龍門

封還詞頭

折角巾

霓裳奏樂圖

子貢滅鬚

肉屏風

不曉天

問腹

不識丁

燒尾宴

請灰釘

賞等身金

號黑雲都

鄭虔三絕

海崇睡未足

受餐反壁

修文地下

雙鳥化鳧

才幹之敏

才士豪爽見奇

情欲難割

賢者不可測

才德服人

人不易知

神仙謫墜

文人寵遇

外國乞文

女子能文知兵

歷代美人

當局易迷

事敗遊跡



人性慘毒

人性躁急

婦人奇妬

固寵借種

卷八

人品難豫定

諂佞一轍

亂賊人所同惡

小弱不量力

藝成有悔

兼總百家

五事並舉

日談萬言

連綿書

辨奇字

古人博物

五行俱下

讀碑暗誦

博洽相勝

文思之敏

長卿作賦

孝碑離合義

聽音知吉凶

折字言禍福

酌取月光

解鳥獸語

馴虎制龍

斬蛟刺虎

音律之妙

卷九

飲量之弘

食量之弘

彈塙成宇

弄百禽

別水性

食鷺知黑白

射錢中北

棘刺扞矢

日行七百里

手舉萬鈞

關朗筮易

析字謔語

返魂攝魂

遣使鬼魂

金蠶蠱虫

入定煉形

記三生事

占驗風角

自焚致雨

醫士國手

水晶屏上美人

醫卜無定法

卷十

女子男飾

男子女飾

瀝血求尸

前身輪迴

轉世情緣

羽山化熊

牛哀化虎

取蜀將帥不利

創業不利長子

盜賊怨官吏

臨刑後貴顯

偽造芝草

黃金易五臟

髑髏變人視事

卷十一

混沌初分白蝙蝠精

雕卵破得嬰兒

鷄母殼中哺出小兒

女化為男

人化異物

男子孕育

孕三年子

扇搥半釋迦

生男兩頭共身

人兼男女二體

女子陰在首

無頭人織草履

入墓再生

死尸起舞

數升眼睛

好食人肉

嗜好之異

日飲鮮血半升

酒魔茗瘕

人面瘡

沙壓

卷十二

耳中聞道士修醮聲

腹中有金字經

十二影

婦人有鬚

飛頭蠻

有文在手

焦僂三尺

身如水晶

赤蛇入鼻中

淚凝如血

骨如葵子

足掌有黑子

兒啼腹中

血如竹箭

血痕不滅

香從頂穴中出

菜花中各有一佛

龍神求舍利

鷲毛成蓮花

白虹跨東井

講經雨花

經聲發石函中

入珊瑚林

陽神陰神

卷十三

坐在立亡

阿蛙蠶

藻兼

黑青

廁神

喪煞鬼

老嫗夜出食人

鬼入人腹

鬼知音樂

當生報應

蝸牛成天子字

袖中得生人掌

照鏡不見頭

鏡中有人形

石馬流汗

群鳥啣土

炊飯化螺

宅泣

石化為麵

攝鬼子置琉璃鉢

硯有聲

卷十四

古今火災水災

漫衍角觝

夜叉食人八十萬

阿修羅

三頭相嚙

耳長過腰

鬚長四尺

夢人易頭

指上人面

頭生肉角

乳長于臍

面長二寸

喉中如鼓簧

磁眼木睛

七事受胎

產十八兒

產不由戶

易心復活

假屍復生

僵屍不腐

千家姓音字

仙人鬼神姓名

父子同名

三字名

風月景山水名子

姓名並變

孔子生卒年月

如來生卒年月

卷十五

佛經緣起

二祖奉佛靈異

崇奉佛法

西域請經始末

浮屠二宗

三世諸佛

古佛名號

釋迦佛

栴檀佛

西天二十七祖

東土六祖

卷十六

觀世音

文殊普賢

儒童菩薩

馬鳴龍樹

玉皇上帝

二十五聖

十六應真

八部龍王

地湧寶塔

佛牙

蓮花卍字

阿育塔

釋姓

五精舍

四方佛

由旬拘盧

阿僧祇品

卷十七

道經緣起

道家南北宗

元始天尊

玄天上帝

李老君

西王母

張道陵

八仙

玉女

白日昇天

尸解

服餌得仙

服日精月華

二十四圖



僊書

龍胎醴

鳳腦芝

仙術渺茫

卷十八

天地開闢

梵天建立

渾天周髀

天去地六萬里

三十六天

日月宮殿

日中玉宇

日暈五色

青雲扶日

十輝望氣

月中影

結璘嫦娥

日月二星

日食二十占

日夜食

交初交中

五星各占

卷十九

經星名數

五星順逆

五星列宿姓名

北斗九星

潑火雨

三素雲

九光霞

花信風

十二風

樵風

石尤風

屏翳

光明電王

紫露

巫山香雨

青女霜

天河

霧淞

雲間有聲

見天門開

人頂日輪

天命行雨

卷二十

十日並出

日中氣如飛鵲

日赤如血

日中黑闔

日再出沒

日應外夷

反景

沉瀼淪陰

皇極常陰

五星聚一舍

星搖

星隕如雨

五星為人

客星為災

星有三類

彗孛不同

鎮星為福

流星名狀

彗掃文昌

太白晝見

天雨穀

雨雹作男女鳥獸形

天下盡風

虹霓入庭中

雷神形狀

雷繪梅花

卷二十一

歲陽歲名

歲華節次

飲屠蘇酒

社日雨

上元張燈

寒食斷火

一百五日

春日競渡

晝日長短

六時五臘

五夜漏點

歲時雜占

氣盈朔虛

歲差度數

章部紀元

十二生肖

正旦晴

陽九百六

年呼粟多

十直齋日

至正萬曆兩甲午節氣

額沙塗月

正月乙子

丙丁龜鑑

卷二十二

四荒所屆

歷代方輿

太平太蒙

帝王建都

郡縣陰陽

地名異音

海外五岳

五岳四海神姓名

天下名山

天下名水

九山十藪

山河上應星躔

西海北海

大江源委

九江

三江

五湖

卷二十三

天竺疆域

黃河源

四瀆

須彌山

沃焦山

宛委山

玉京洞

佛髻水銀海

于闐玉河

潮汐

龍王宅

送女潮

阿耨達池

火井

廣成化城

海市

放光谷

卷二十四

名山有仙樂聲

華山神燈

紫蓋山金牛

崑崙火山

番禺鬼市

地鏡

黟山蠶殼

祠山七寶

五色泉

佛面泉

滴乳泉

丹砂泉

范河浮岳

四飛山白塔

石槽城

金龍池

聖火港

龍母墳

江陵息壤

地肺

紅鹽池

浪井

活石碑

水脉水母

飛沙伏火

石漆

凌雲臺

胭脂井

石乳山卜豐歉

百花潭

青鳥御葉

烏鼠同穴山

聞鴨欄

卷二十五

沉釀川

成都真珠樓

信安寶坂

鬼兵壘石

地出沙板

石中得金印

石樹成桃李花

松風石

黃河清

大石自立

地日夜九震

地涌血

地有聲

山亡地長

石燕得雨則飛

寶塔日中無影

池水變赤

地生毛

水闕河僵

掘地得犬

石鼓鳴

土中玉狔

落星潭異物

地中物如小兒手

壁上幻影

池水作花

卷二十六

異寶難識

古物不存

職貢異物

始創器物

古今巧藝

尺綃紡法華經七卷

奇寶雷公礫

美玉氣為美女

阿修石鼈

透骨金

報時鐵

水晶枕中桃花一枝

碼碯硯中有小鯽魚

返魂香



龍皮扇

鮫絹中有十洲三島

龍虎玉

辨古玉

玉名詁

雲澤珠

卷二十七

黃金蛇

沉明磬

却火錐

鷄鳴枕

靈鵲石

蘭金泥

昭華玉

瑟瑟枕

琉璃鞍

紅鞞鞵

鴉鵲石

火齊珠

黃銀帶

翡翠琖

瑪瑙櫃

琥珀枕

龍涎香

火浣布

畫影劍

夜明犀

辟寒香

麝賓鐵

火齊鏡

古宗鐵

猛火油

龍涎燭

傳國璽

魚符

金魚紅鞋

金靈馬

卷二十八

銷金雲龍羅紙

錦標襦

玻璃甲

雙魚洗

桃笙

洗兒錢

寶相枝

松皮紙

雪方硯

龍香劑

內香燕九十二種

魚英蓋

浮光表

香螺盃

金鳳衣

柴窰秘色

十八鼎

白雀錢

綠沉槍

悲慄

玲瓏玉

黃姦

須慮餘皇

含光宵練

記里鼓

風琴

指南車

金泥五簷傘

鼎盞

卷二十九

單籠金乳酥

千日酒

網頭玉芽

椹漿煎錫

羊刺蜜

媚男藥

石綠金

魚目青

摩娑石

持生礬石

紫稍花

合昔泥

石中黃

羊哀狗寶

光明砂

十眉齒

曉霞粧

鴉黃

芙蓉歸雲髻

桂紅膏

卷三十

古今偏正史

世說注

古碑銘

詩體

金天鸞鳳書

卞莊刺虎圖

畫須體物

硬黃響榻

書畫賞鑒好事

四聲七音

六書字數

二字俱非正音

字書偏傍

四字合一

卷三十一

音字通用

數字十二音

苴字十四音

離有十五義

委蛇十二變

凝脂讀佞

字音異讀

禁天高上太

五色賦

玉東西

麴塵絲

芙蓉命名最多

折計數目語

石刻古文

奕棋

象戲

投壺百嬌

格五

六博

白打錢

六赤

葉子

六么

彈碁

累碁蠟鳳

打馬

握槊

四維戲

唐人戲劇

金龍戲格

卷三十二

淮北多獸

人氣粉犀

猿臂通肩

鵠知天時

鵲生三子

獺肝應月

物類同名

物類多壽

食物異常

物反常性

物類相似

鵠撮斯彌

鳥獸兆兵火

鳥獸應水旱

日行三萬里

出而鳥獸名

鳥獸而官名

卷三十三

龍生九子

龍見洵陽

龍背有金彩三道

鹽龍

守藏龍

紅葉化龍

龍蛇

鳳凰見新茶

頻迦鳥

辨異鳥

騶虞見壁山

尊耳石穀

蒲梢駒駘

叱撥

八駿

翠黃吉量

五花馬

人面鳥

一角羊

兩頭鹿

九頭鳥

無頭犬

雙頭鷄

卷三十四

壠種羊

肉翅虎

蛩蛩距虛

天祿辟邪

風母獸

猩猩血染緋

栗子猿

西天白象

赤羊

玄鹿

鸚鵡誦心經

赤鸚鵡

伯勞

皂鵝

青鳥無傳書事

荒鷄淫魚

白鼠獻金錢

昆狸

弱水白兔

北鷄為雄

江北鼠災

群卵呼觀世音

蛇龍鬪

金沙龍盤魚

金魚

鯉不化龍

卷三十五

紅白蟹

鳥翅相去六千里

魚骨中可通馬騎

蜈蚣如遠山

蚌蛤大如船

金龜大如錢

龜背金書

褐花貓



白蝦蟆

峨眉雪蛆

應聲虫

鳳子蝶

沙喚

海鏡

含毒

沙虱水弩

十二時虫

桂蠹

守宮

金翠蛇

蛇有神光焰三百步

蘋陽花

無憂樹

蚨蝶樹

蟻絮漆

懷夢草

薺蓉草

彫棠木

隱夫靈壽

桃核長五寸

十丈蓮

卷三十六

孔廟千年檜樹

摩頂松

搖枝票

竹不止六十一種

草以葵名

白刺顛

野悉蜜

紫銚樹

畢羅鉢

牡丹譜

芍藥譜

伊蘭花

揚州瓊花

三穀各二十種

荔枝名十八娘

木蘭

紅荳蔻

天南竹

木棉吉貝

苾蒻

薜荔

候閨子

艾納迭迷

花五色

四時花

桐木有天下太平字

草木成人形

樹中有人類凝脂



明 姑茂徐應秋君義父輯

帝王誕生瑞徵

史傳中所記誕聖瑞徵。偶錄其尤異者。詩含神霧。大跡出雷澤。華胥履之。生宓犧。拾遺記。神母遊華胥之洲。青雲繞神母。即覺有娠。歷十二年而生庖犧。帝王世紀。女登為少典妃。有神人龍首。感女登于尚羊。生炎帝神農。河圖握拒。附寶之郊野。大電光繞北斗樞星。照于郊野。感附寶。二十四月而生軒轅于壽丘。紫氣充房。春秋元命苞。大星如虹。下流華渚。女節意感。生白帝朱宣。少昊氏。河圖著命。瑤光之星。如虹貫月。正白。感女樞于幽房之宮。生黑帝顓頊。春秋合誠。堯母慶都。生于斗維之野。天大雷電。有血流潤大石之中。生慶都。年二十。寄伊長孺家。有赤龍負圖與慶都婚。孕十四月而生堯于丹陵。帝王世紀。瞽瞍妻曰握登。見大虹意感。而生舜于姚墟。河圖注。握登見大虹。意感生黃帝。謂舜以土王也。修己山行。見流星貫昴。又吞神珠。薈於胸。坼而生禹于石紐。開山圖。女狄于石紐山下泉中。得月精如鷄子。愛而吞之。孕十四月。生夏禹。宋符瑞志。簡狄浴于玄丘之水。玄鳥銜卵而墜。取覆以玉筐。吞之。遂孕。胸

剖而生契。又曰簡狄游於桑野。黑鳥遺卵。有五色文。作八百字。覆以瑤筐。朱紱。夢神女曰。生聖子。以繼金德。懷卵一年而孕。經十四年而生契。河圖扶都見白氣貫月。感生黑帝湯。又云。感黑龍而成。宋志。漢高帝父曰劉執嘉。執嘉之母夢赤鳥若龍。戲已而生執嘉。母名含始曰昭靈后。昭靈后遊于洛池。有玉鷄。銜赤珠。刻白玉英吞之。又寢大澤之陂。與龍遇。生漢高帝。漢武內傳。景帝見崇芳閣。赤龍盤棟。又王夫人夢日入懷。生武帝。金樓子。光武父欽為濟陽令。有赤光照室。影如五麟七鳳。而生光武。中興書。晉元帝初誕。有神光之異。一室盡明。所藉藁如刈。宋符瑞志。宋武帝始生。有神光照室。魏道武母賀氏。夢日出室內。寤見日光自牖。屬天有感。而生武帝。魏孝文帝李夫人。生帝于平城紫宮。神光照于室內。梁書。梁武帝母張氏。忽見菖蒲生花。光彩非常。吞之。產高祖。隋紀。隋高祖生時。紫氣充庭。狀如樓閣。色染人衣。忽見頭上角出。徧體鱗起。唐書。唐高祖生時。紫氣充庭。神光照室。太宗在孕。語聲達于外。生時慶雲瀾漫數里。上屬于天。二龍戲于門外水中。三日乃冲天而去。唐莊宗誕日。紫氣出于庭戶。宋書。宋太祖母杜氏。夢日入懷而孕。生洛陽夾馬營。赤光繞室。胞如菡萏。金色。三日不變。異香經宿不散。真宗生。赤光照室。左足指有文成天字。仁宗降誕。章懿太

后榻下生靈芝一本四十二葉。應享國四十二年之瑞。母夢羽衣之士從空而下。來為己子。及生宮中。火光燭天。英宗生。赤光滿室。或見黃龍遊光中。神宗生。群鼠吐五色氣成雲。孝宗母夢府君。擁一赤羊來。曰。以此為識。生于秀州。紅光滿室。如日正中。度宗母孕時。女醫治藥毒之。見有金龍于上。懼不敢煮。皇明啟運錄。我太祖高皇帝母陳太后。夢一朱衣神。饒藥如丸。燁燁有光。吞之。既覺。異香襲體。遂娠焉。及誕。生于盱眙之紅廟。遠近見火光燭天。隣近二郎廟。夜徙一百二十步。水次紅苔如線。泛水如練。丹彩可挹。異香經宿不散。若夢兆開先。則漢薄后夢蒼龍據腹而生。代玉。晉李后。夢兩龍枕膝。日月入懷而生。孝武。漢王夢龍與日俱墮衣上而生。英宗。黃妃夢神人采衣。以一龍納懷中而生。度宗。魏宣武高后。夢日化龍繞身數匝而生。文帝。北齊神武。婁后孕文襄。則夢一斷龍孕文宣。則夢大龍首尾屬天地。孕孝昭。則夢蠕龍于地。孕武成。則夢龍入于海。南齊陳后。夢龍據屋上而生。武帝。孫堅母。夢腸繞吳門而生。孫堅。北齊后主母胡氏。夢于海上坐玉盆。日入裙下。遂生后主。宋理宗父榮王。夢紫衣金帽神人來謁。而產理宗。元太祖之十世祖孛瑤。又兒母阿蘭果。火寡居。夜夢白光自天窓中入。化為金色神人。趨卧榻有孕。遂生孛瑤。又兒遼聖宗皇后蕭氏。夢

金柱擎天。后與隨從皆升。久之入宮。又夢拂承天太后榻。獲金鷄。吞之。光澤勝常。已而生興宗。天地神人之主。所關非細。有開必先。千古同符矣。

揮塵錄。開元十七年秋八月。上降誕之日。大置酒合樂。燕百僚于花萼樓。百官上表願以八月五日為千秋節。誕日建節。蓋肇于此。天寶七載。改為天長節。其后肅宗以九月三日生。為地平天成節。文宗以十月十日生。為慶成節。武宗六月十二日生。為慶陽節。懿宗十月二日生。為延慶節。僖宗八月五日生。為應天節。昭宗二月二十二日生。為嘉會節。哀帝十月三日生。為延和節。梁太祖十月二十一日生。為大明節。末帝九月十二日生。為明聖節。后唐明宗九月九日生。為應聖節。晉高祖二月二十八日生。為天和節。出帝六月二十七日生。為啟聖節。后漢高祖二月四日生。為聖壽節。隱帝三月七日生。為嘉慶節。周太祖七月二十八日生。為永壽節。世宗九月二十四日生。為天清節。恭帝八月四日生。為天壽節。宋太祖二月十六日生。為長春節。太宗十月七日生。為乾明節。後改為壽甯節。真宗十二月二日生。為承天節。仁宗四月十四日生。為乾元節。英宗正月三日生。為壽聖節。神宗四月十日。為同天節。昭宗十二月七日。趙僖宗忌辰。以次日為興龍節。廢宗十月十

日為天甯節。欽宗四月十三日。為乾龍節。高宗五月二十日生。為天申節。口宗十月二十二日生。為會慶節。又唐代宗十月十三日。天興節。唐順宗聖壽節。后唐清泰帝千春節。

神聖降生日辰

正月一日。元始天尊。登九玄。傳大帝君。以太極金書。天神地祇。朝三清玉帝。彌勒佛。誕日。純陽真人成仙。二日。寶聖佛生。三日。北斗翼聖真君降。太白金星現。四日。重陽。全真開化真君上昇。玉晨大道君登玉霄宮。四盼天下。五日。大慈佛生。六日。定光佛。生。七日。北極玄天真武。上帝午時下降。太上老君乘白鹿。張天師乘白鶴。至成都玉局治。說。南北斗經。玉床自地而出。八日。南無華嚴眾意甘露。苦王觀世音菩薩。示現。五殿閻羅王韓生。九日。玉皇大帝生。南斗星君降。現太真三元朝真。十四日。三官降。十五日。佑聖司命真君。誕摩竭陀國佛舍利。放光雨花。金精山張靈源真人飛昇。十九日。北陰聖母降。二十日。南斗星君降。二十三日。嗣天師張衡陽平山白日飛昇。二十七。日。北斗降。二月初一日。二殿秦廣王蕭誕。初三日。北斗降。梓潼帝君誕。初四日。南斗六司真君降。初五日。辟支佛生。北極天蓬都元帥生。初七日。南無七寶林中一



十二面觀音示現南斗北斗西斗帝君降。初八日。釋迦佛生。慶古佛生。三殿閻王誕。初九日。東斗降。南無光藏法王白衣妙德觀世音現。初十日。長生護真天尊降。十三日。中元萬真君生。十五日。三教宗師太上老君。十八日。四殿閻王誕。十九日。大慈大悲救苦救難觀世音誕。二十一日。普賢菩薩生。二十三日。保德真君生。二十七日。北斗降。廿九日。聖母元君降。三月初一日。九里玉皇君。詣波梨天。奏九地學仙得道人。名于四天王。又二殿梵炷王曹生。初二日。玉皇誕。初三日。北極玄天真武上帝誕。南無唐西來僧大聖觀世音示現。初五日。南斗天蓬下降。初六日。南無清淨海眾山月面吉祥觀世音菩薩示現。初八日。八殿閻君變成玉石。誕。十三日。南無天香山妙香觀世音菩薩示現。十五日。玉晨道君登玉霄琳房。四盼天下。元始天尊降。玉京。元陽觀會三界神仙真真聖說法。十九日。南斗星君降。廿七日。七殿泰山王畢誕。廿八日。東嶽泰山誕。四月初一日。南方七宿下降。初二日。太虛元君生。初三日。北斗北極翼聖下降。初四日。文殊生。初七日。南斗北斗西斗降生。初八日。釋迦佛生。十五日。呂純陽下生。十八日。碧霞元君生。廿一日。普賢菩薩生。南無廣月寺宮中千手千眼觀世音菩薩示現。廿八日。藥王佛生。五月初三日。北極下降。南無天竺藏王慶信觀世音。

菩薩示現初四日。孔子誕十三日。武安王生十七日。南無晶日宮中八難觀世音菩薩示現廿二日。中明王生廿五日。太平真君升仙。六月初四日。南瞻部洲轉大法輪。初七日。瑤華帝君生。初十日。金粟如來生十五日。佛囉神生十六日。南無寶陀山大悲救苦救難觀世音菩薩示現十八日。南無西十洋海中慶一十二面觀世音菩薩示現十九日。南無清淨座主白衣滿願觀世音菩薩示現廿三日。南無清淨寶海慶音觀世音菩薩示現廿四日。九天應元雷聲普化天尊誕廿六日。二郎神誕廿九日。九華真妃降。七月十三日。南無廣慶倬願觀世音菩薩示現大勢至菩薩生十八日。太真西王母誕生十九日。力吉祥國聖母化生賢劫千佛廿四日。龍樹王生廿五日。景佑真君生三十日。地藏王菩薩生八月初三日。北斗降。竈神誕十七日。太白長庚降。十八日。四海龍王神會之日。廿一日。燃燈佛生廿六日。南極老人降。廿七日。諸佛慶會東海九月初一日。太上老君于玉天瓊房金闕上宮。校集靈篇。初三日。九壘上皇君。諸答。怨天陳奏九地得仙名。初九日。北極真武玄天上帝。成道于武當山十五日。南瞻部洲救度眾生十八日。北斗星降十九日。日月宮會合諸天列宿。上朝無始。北斗大帝降。廿三日。南無華嚴海眾觀世音菩薩示現廿五日。長生大帝降。三十日。

琉璃光佛生。十月初二日。南無妙吉祥。林中海月觀世音菩薩誕。初三日。三茅真君誕。初五日。達摩祖師誕。初八日。火德星君誕。初十日。西王母降。十五日。九江水府帝君。十五河源溪谷大神。與陽谷神五水府靈官。同降人間。定校人生善惡罪福。十八日。五百阿羅漢會。廿七日。北極紫微星降。十一月初一日。葛仙翁受太上三天金簡。策書。初三日。太上玉高大道君。登玉霄琳房四盼天下。初九日。南斗東斗星降。十一日。太乙救苦天尊誕。十三日。海空智藏天尊降。十七日。西方妙善阿彌陀佛生。十九日。日光天子生。諸天華嚴菩薩出世。文殊菩薩出世。南無清涼寶山自在觀世音菩薩示現。廿三日。南斗六司星君。奏錄生籍之辰。廿六日。妙果天尊降。十二月初一日。八仙聚會蓬萊之辰。初三日。北斗星降。初四日。九壘玉皇君。詣答愆天奏仙名。十二日。玉晨道君。登玉霄琳房四顧天下。十五日。西斗星君降。廿三日。五岳神君下降人間。廿五日。玉皇下降。廿八日。老君化胡降。伏九十六種邪魔。二十九日。華嚴菩薩下生。

帝王符命

帝王之興。必有符命。或告治平之徵。或彰改玉之應。以至正位坤靈。崛起偏霸。亦皆

有異兆焉。十八姓紀。蒼帝生而能書。受河圖綠字。大庭氏三辰增輝。五鳳異色。新書  
黃帝時大震三日。帝遊洛水上。見大魚。天甚雨。七日。魚流而得圖書。龍魚河圖。天授  
帝號。黃龍負圖。鱗甲光耀。從河出。黃帝命侍臣寫以示天下。河圖挺輔佐。黃帝持齋  
七日七夜。天老皆從。以迎河洛之書。至翠瀉之泉。大鱸魚汜流至。蘭葉朱文。五色畢  
見。沉白圖。以授帝。黃帝錄。黃帝坐玄危。洛水鳳皇銜圖。至帝前。以黃玉為押。尸子。黃  
帝時。長庚輝日五色。山金鳴澤。銅出尚書中候。帝堯修壇祭光。塞河。龍馬銜甲。赤文  
綠色。臨壇吐甲。有文言。虞夏商周秦漢之事。野王符瑞志。黃帝東巡。省河過洛。龍負  
圖出。赤文綠字。以授帝。又黃帝時。南夷乘白鹿來獻鬯。春秋元命包。堯遊河渚。赤龍  
負圖。論語識。堯率舜等遊首山。有五老遊河。因飛為流星。上入昴。運斗樞。舜與諸侯  
觀于河洛。黃龍負圖。瑞應圖。堯坐河渚。神龍赤色。負圖而至。備載山澤河海之形。國  
土分域。虞舜時。黃龍從洛水出。詣舜。鱗甲成字。舜與三公觀于河。黃龍五采負圖出  
舜前。舜耕歷山。得玉曆于河巖。又漁于雷澤。得玉牌浮水。其文曰。受而禪。惟汝彥。帝  
王世紀。舜夢眉長與髮等。道學傳。禹北見六子。獲玉匱之書。以從事。受黑書于臨洮。  
得綠字于濁水。吳越春秋。禹登衡山。夢赤綉文衣男子。稱玄夷。蒼水使者。謂禹曰。欲

得我山書者。齋于黃帝之嶽。禹乃退齋三日。登宛委。發石得金簡玉字之書。尚書中  
侯。禹治洪水。觀于河。見白面長人魚身。出曰。吾河精也。投禹河圖而還于淵。白孔六  
帖。湯觀洛。有黃魚化為黑玉。又有黑龜。赤文成字。有神牽白狼銜鉤而入朝。墨子。赤  
烏銜珪。降周之岐。社瑞應圖。赤鳥。武王時銜轂至屋上。兵不血刃而殷服。武王伐紂。  
牧豎探高鳥之巢。得玉璽。文曰。水德將滅。木祚方盛。文王有赤雀銜書。止于戶。又有  
鳳凰銜書。武王伐紂。度孟津。白魚入舟。腹下有赤文成字。言紂可伐。中侯。武王觀于  
河。沉璧禮畢。青龍臨壇。銜元甲之齒。吐之而去。宋書。周公攝政。與成王觀于洛。玄龜  
青龍蒼光。止于壇。背甲刻書。赤文成字。周公援筆以世文寫之。書成文消。龜墮甲而  
去。漢高祖有五星聚井神母夜號。以彰赤帝之符。其所居上有氣成龍文五彩。金樓  
子。孔子夜夢三槐之間。豐沛之間。有赤鸞起。呼顏回。子夏往觀之。見赤虹化為黃金。  
上有文曰。卯金刀。應高祖起豐沛。塵談沛公始為亭長。夢逐一羊。拔角尾皆落。占曰。  
羊無角尾。王也。晉元帝時。三雀共登一雄鷄背。三入安東廳。占者以為當三進爵為  
天子。孝宣有太山大石起立。上林枯柳生枝。其葉成文。曰。公孫病已立。梁武帝為兒  
能蹈空而行。時頂有浮光。身映日無景。所住齋。常有氣五色回轉。狀若盤龍。季秋出。

九日臺暴風起烟塵所居獨紫氣騰起形如織蓋唐高祖龍潛洛郊曾踐石靴迹見于石中。又高陵縣有神堯先世莊田。高祖襁褓時。母置放栢樹之陰而往餉田。比餉回。日斜而樹影不移。太宗奉義師日。所居有紫雲。居內天俄變為五色。狀如飛龍。宋武少卧酒家。人見一物五采如蛟龍。又行止時見二小龍附翼。武德末。太宗平內難。有龜遊于蓮葉之上。取之化為白石。瑩潔如玉。唐中宗廢居房陵。仰天而嘆。因拋一石于空中。曰我後帝。此石不落。其石遂為樹枝。臂掛。齊高帝身上。黃紫氣屬天。北齊高歡夢履眾星而行。南史。齊世祖夢人從天飛下。頭捧筆來畫上衣兩邊。陳書。陳高祖夜夢天開數丈。有四人朱衣捧日而至。高祖開口納焉。及覺腹中猶熱。南齊書。太祖夢乘青龍。逐日西行。世祖夢着桑屐行太極殿階陛上。庾温曰。屐者運應木也。桑字四十二點。世祖年過此。即帝位。又常夢鳳凰從天飛下。齋前兩翅相去十餘丈。翼下有紫雲氣。册府元龜。唐睿宗初生。含元殿。則天子殿內造佛像。及長。閑觀其側。玉像忽言。爾後當為天子。酉陽雜俎。睿宗為翼王時。寢齋壁上。蝎跡成天字。上懼。遽掃之。經數日如初。玄宗臨潞州。景龍二年。廳上假寐。宋大辨等。同見赤龍據案。中宗將祀南郊。玄宗來京師。使術士韓禮筮之一著。子然獨立。禮驚曰。著立奇瑞。非常之事。

也。北夢瑣言唐僖宗幸蜀。張惡子神自廟出十餘里。列伏迎駕。白霧之中髻髻見其形。因解劍珮賜之。又後唐太宗善騎射。曾于新城北酌酒于毘沙天王聖像。請與交談。天王被甲持矛。隱隱出于壁間。所居帳內。時有火聚。或有龍形。後唐明宗微時。隨蕃將巡邊宿于鴈門逆旅。媪方娠。帝至。不時具食。腹中兒語謂母曰。天子至。速具食。聲聞于外。懿宗初封鄆王。郭淑妃見黃龍出入卧內。釣磯立談。義祖夢臨大水。黃龍無數。義祖袒身而入。取一龍而出。未幾。掠得烈祖。養以為子。南唐近事。烈祖晝寢。夢一黃龍繞殿。鱗甲灼然。既寤。使視前殿。時元宗方為齊王。凭檻而立。遂正儲位。郭祖微時。與馮暉同里。有道士善劊青。因令刺之。郭于項右刺作雀。左作穀粟。馮以臍作窰。中作鴈數隻。戒曰。爾曹各于項臍自愛。雀銜穀。鴈出窰。即亨顯之時也。郭祖秉麾之後。雀穀相近。登位之後。雀銜穀。馮秉旄。鴈自窰中景景而出。周太祖微時。嘗晝寢。有如小虺五色出入觀鼻之間。一夕在亭院齋。忽有黃氣起于前。繚繞而上。遽際于天。太祖于黃氣中。仰見星文紫微文星。爛然在目。密告知星者曰。坐見天衢。物不能隔。至貴之祥也。又于署衙中。有紫氣起于幡竿之上。宋太祖微時。夜卧內。常有光如車輪。內見黃龍。若在波浪中。出沒魚鱉之類。不可勝數。皆作金色。光芒刺目。宋神

宗居濮邸。一日晝。憇便寢。有紫氣自鼻中出。盤旋如香篆。剪勝野聞。我太祖在滁。濯手于相子潭。有五蛇擾而就之。一日戰畢。蛇在其側。帝以堯鑿掩之。及戰。手刃甚眾。軍法戰畢必祭甲冑。甫奠而霹靂大震。白龍自堯鑿中騰空去。諸將自此畏服。西京雜記。元后在家。常有白燕銜白石大如指。墜績筐中。后取之。石自剖。其文曰。母天地。后乃合之。遂復還合。魏志。甄皇后生。每寢。家中人髮髻見如有人持玉衣覆其上者。晉成帝杜皇后。長猶無齒。帝納采之日。一夜齒盡生。五代史補。齊高昭劉皇后生時。赤光滿室。寢卧見有羽蓋蔭其上。魏宣武靈皇后產時。赤光四照。永平中。馬貴人夢小飛虫萬數。隨著身入皮膚中。後出。數日立為后。高宗皇后吳氏。父吳近。常夢至一亭。曰。侍康。旁植芍藥。獨放一花。花下白羊一隻。后以乙未生。高宗為康王時。選入宮。侍康之徵也。宋慈聖太后。少時約婚京兆李植。娶迎入門。見鬼神千萬在前。驚走避之。后即時還家。俄選為后。光獻太后在父母家時。與羣女共為撚錢之戲。后一錢輒獨旋轉盤中。几三日方止。謝皇后生而鬢黑。翳一目。會元夕。有鵲巢燈山。眾以為后妃之祥。忽病疹。膚蛻瑩白如玉。及醫去目翳。遂為理宗后。又唐清泰帝。晉帝祖婦兄也。明宗時為太原帥。因擊球。同入趙襄子廟。但見土偶避位而立。五代史補。楊行密



常為河肥縣手力。有過縣令將鞭之行。密懼且拜。有客自外入。見行密每拜則廳之前簷皆扣地。而令不覺。客遂以所見告令。遂怒之。唐年譜。王庭湊為留後。暨西有飛龍山人。庭湊往祭之。見一人被衣冠折腰于庭。及入廟神乃側坐。北夢瑣言。唐僖宗播遷蜀中。蜀先王建為禁軍都頭。與其儕于僧院擲骰子。六隻次第相重。自么至六人共駭之。

### 帝王瑞應

在昔龍馬負圖。出于河而義晝立。神龜載書。出于洛而禹疇敏。騶牙見而遠方歸。義野象來而廣南遂平。鸞鷲鳴岐。占舊邦之新命。胸臆出土。符江東之合玉。大垺既兆土精。赤烏亦符火德。國之將興。必有禎祥。其彰彰者也。考諸書所記瑞應之物。帝王德澤所感。以類應之。如天鹿者。神靈之獸也。五色光耀洞明。王者道備則至。周印者。神獸之名也。星宿之變化。王者德盛則至。白虎者。仁獸也。一名騶虞。虎而白色。身縞如雪。王者仁而不害。則見。孫柔之瑞應圖。王者不暴虐。及行葦。則見。一曰。王者德至禽獸。澤洞幽冥。則見。角瑞者。日行萬八千里。又曉四夷之語。明君聖主在位。明達方外。幽遠之事。則奉書而至。神靈滋液。百寶為用。則白象至。亦熊見。王者自養有道。則

白象負不死藥。來齡者幽隱之獸也。有明王在位。則來為時辟災除害。銀鹿。王者刑罰得中。民不為非。則至。芝英者。王者親近耆老。養之有道。則生。君乘木而王。其政昇平。則福草生。王者德至于地。則華草盛。王者之德及草木。則有筮。矚一名倚扇。狀如蓬大枝葉小根。根如絲轉而成。風殺蠅。有屈軼。佞人入。則指之。有平露。如蓋。其國不平。則隨方而傾。華平者。其枝正平。德剛則仰。德弱則俯。君乘金而王。其政訟平。芳桂常生。君乘土而王。其地太平。蔓草紫脫。常生。王者有禮。則葳蕤生。王者禮備。則威香生。有聖人之德。則朱草生。王者宗廟修。則巨鬣三禺之禾生。王者有德而天下平。世祭之鳥。見三才得所。三角之獸。至孝。至于幽遠。比翼之鳥。至鰥寡無奪。比肩之獸。至道成。則騶虞至。獄訟平。則獬豸至。能用人。則龍馬至。能致太平。則黑狐至。道純。則白鹿至。德盛。則赤兔至。貴人賤馬。而白馬朱鬣。至德及幽隱。而雙魚白澤。至。妾媵有制。白燕巢。政惠不苛。白虎至。刑罰得中。銀麋馴。律鍾和調。玉羊見。德達深淵。則黃龍應氣而游。德至鳥獸。白鳥下。王者有盛德。則金人游。後池。王者至孝。則金車出。王者宴不及醉。刑罰中。人不為非。則銀甕出。德至于山陵。則出黑丹。王者不貴難得之物。則鷄駭犀見。神靈滋。百寶用。則璣鏡出。王乘金而王。則黃銀見。王者不藏金玉。則黃銀

紫玉見王者不隱道則璧琉璃見水泉流通四海會同則玄圭出王者孝道行則延喜玉出王者清明篤賢則玉馬出玉鷄王者至孝則至五常並修則玉英見玉甕者不汲而滿王者清廉則出然亦有不驗出不以時者魏文帝受禪郡國奏白虎二十七見元帝即位鳳凰見郡國者五十餘處章帝末鳳凰一百四十九見石虎即位郡國獻蒼麟十二以駕法車為治平之應耶為衰亂之徵耶又肅宗上元二年延英殿御坐梁上生玉芝一莖三花上製玉靈芝詩而是歲玄宗肅宗俱崩代宗即位華州至陝西黃河清徹三百餘里而是歲吐蕃犯京師大駕幸陝永泰二年六月丁未日重輪其夕月重輪太廟二室芝草生十一月獲赤兔而洛水泛溢大為民害災祥固無足憑矣

歷代世紀

黃帝元年丁巳至虞舜癸酉共四百九十七年夏禹元年甲戌至帝桀五十二年甲午十一世共四百五十一年商湯元年乙未至帝紂三十二年己卯二十八世六百四十五年周武王元年己卯至赧王五十九年乙巳三十六世共八百六十七年秦二世起庚辰迄甲午共五十年自己未迄戊戌楚漢分爭天下無統者四年前漢十

二帝內呂氏八年。王莽十八年。後漢十二帝。至曹丕之篡。共四百一十七年。魏五傳四十六年。晉篡魏四傳。五十六年。東晉十一帝。又一百八年。劉宋八帝。六十年。齊蕭道成五帝。二十四年。梁蕭衍四帝。五十四年。陳霸先三十二年。隋楊堅三帝。三十八年。唐十二帝。內則天僭周三十一年。共一百九十六年。後梁朱溫一代十年。後唐李存勗五帝。十五年。後晉石敬瑭二主。共九年。後漢劉騫二世。四年。後周郭威三主。共十年。宋十八帝。凡三百二十年。

元世祖混一。至順帝八十九年。自黃帝元年丁巳。至順帝三十六年戊申。共四千六十九年。陳眉公曰。堯元年至萬曆元年癸酉。計三千九百六十二年六十七甲子。

### 即位紀元

人君即位之一年。稱元年。舜典元日。商訓元祀。春秋元年。皆言始也。後世倡仁元之說。改元稱號。紛紛不一。史記秦惠文王十四年丁酉。更為元年。汲冢竹書。魏惠王有後元年。漢文帝惑方士言。以十七年戊寅。亦改後元年。景帝因之。八年壬辰。改中元。又六年戊戌。改後元。猶未以號紀年也。武帝因事立號。辛丑即位。曰建元。又六年丁未。以長星見。改元光。又六年癸丑。以六氣更始。改元朔。又六年己未。郊得一角獸。改

元狩。又六年乙丑獲寶鼎。改元鼎。又六年辛未東封。改元封。又六年丁丑行夏正。改大初。自征和而後。復改後元。是武帝亦厭改元矣。歷代沿襲。或五六年。或三四年。或一年再改。一年三改。四改。漢哀帝以建平二年改太初。將元。見王莽傳。光武以建武三十二年改建武中元。見續漢志。而本紀削元。將中元字。豈亦有諱乎。元魏唐宋以夏又以六字改元魏恭帝。周閔帝。明帝。唐肅宗即位。祇稱元年。似為復古。未幾仍改年號。訖無定見。殊可哂也。古者即位踰年。改元。雖哀帝繼殤帝。亦終延年而為永初。成帝繼質帝。亦終本初而為建和。唐宣宗以叔繼侄。亦終會昌而改大中。惟劉禪孫亮石弘苻生李嗣源李璟等。不踰年而改元。姑亡論。而晉惠帝改武帝太熙為永熙。欲長奉先帝之制。亦非也。時議以為違春秋踰年書即位之義。今史官沒之。明年辛亥正月。改元永平。唐順宗以德宗貞元乙酉正月即位。至八月改元永貞。是時順宗已傳位太子。自稱太上皇。嫌于獨無紀年。故亟改元。而唐睿宗以中宗景龍四年即位。未踰年而改元景雲。孫之翰謂一年不可二君。一年二君。則民聽惑矣。宋太宗太平興國元年。即太祖開寶九年丙子。太祖以十月二十日上仙。而十二月二十二日。即改其元。時去新歲止八日耳。洪景廬謂竊計嶺蜀之遠。制書到時。正是二年之春。使人君

即位而無元年。尤為不可。惟帝昺以端宗景炎三年戊寅改元祥興。時危事棘。斯不與常例同也。又有踰年不改元者。唐中宗仍武后神龍。代宗仍肅宗寶應。梁末帝均

王仍太祖乾化。周世宗仍太祖顯德。蜀孟昶仍知祥明德。漢隱帝仍高祖乾祐。金熙宗仍太宗天會。漢高祖追用晉高祖天福。皆非禮也。若唐哀帝仍昭宗天祐。則畏朱

温而不敢改元耳。又漢獻帝除光熹。昭甯永漢。已巳年董卓等挾改梁元帝除大寶。梁簡文梁末帝除鳳曆。珠疏漢高祖除開運。晉出帝號晉惠帝從改永安。甲午春正月改永安七月改建武冬十一月復改永安

安最為無謂。自唐德宗慨想貞觀。開元之盛。改貞元以法二祖。用李泌言宋代因之。若淳熙。合淳化慶元。合慶曆開禧。合開寶之類是也。元祐之號。或謂合元豐嘉祐。而有對

鈎之談。隆興欲隆紹興之治。紹熙欲紹淳熙之政。而詞臣草詔。乃合建隆紹興。及紹興淳熙為義。非初意矣。然年號文字。又有離合之識。重複之嫌。如永昌隆昌為二日

大亨為一人二月了。天正二人一年而止。天保為一大人只十。隆化為降死。德昌為得二日。宣政為宇文亡日。大象為天子家。廣運為軍走。大業為大苦。末廣明為唐去

且口而著黃家日月。太平為一人六十。咸字人口有戈。宣和為一家有二日。靖康為立十三月康。高宗初建炎為兩火。此離合之識也。炎興應司馬氏之名。升平有不滿

斗之謠。大足為一人數足。而武后改之。天元周號昌字二日。而李泌議之。咸字負戈。

美字羊犬。大亨為子不成。而神宗避之。隆興近正隆。契丹純熙旁作屯。而孝宗更之。

治平。或謂火德不宜用水。康定靖康。或謂如謚法。天聖為二人口耳。明道為日月相

並。臨后乾道九年。而改為用九之數。已極。純熙也。更為淳。避告成大武之語。其改元

謹始如此。乃若晉之建興。同乎孫劉。孫亮唐之至德。永泰。同乎陳齊。陳後主至德而

晉惠六同漢號。永平元康建始一同吳號。永漢哀之太初。武帝同晉元之建武。惠帝魏

孝武之永興。太宗唐肅宗之上元。敬宗元順帝之至元。世祖同皆自重本代之號。乾德

蜀號。宋太祖因宮人鑑背而後知。隆興偽號。宋孝宗因曾布日錄而後見。建中靖國

之紀元。曾肇以唐建中。德宗為疑。請改建為執。而徽宗不聽。謂梁末禪位。年號太平。

太宗不忌云。然重和犯契丹重熙之號。三月即改宣和高孝。欲用炎興。乾統謂劉蜀

契丹已用。而更議。此則重複之嫌也。至和三年。速改嘉祐。以至道末年為疑。太宗至道三年

崩。熙甯崇甯。或云同。劉宗陵名宣和。或云同。契丹宮門名。其避忌。又不止重複而已。

晉有立始長順之筮。唐有元和咸通之兆。宋有重火之驗。蓋有數存焉。緯書謂文王

以受命之年為元年。尚書運期。授注云。周文王以戊午。部二十九年。季秋為受命之

年。月至明年。乃改元。書序云。惟十有一年。武王伐殷。注云。本文王

受命而文王不宜改元而改元武王宜改元而不改元歐陽永叔嘗辨其妄矣國數之朝列聖即位踰年改元不再改遵古道也洪武三十一年戊寅閏五月大祖高皇帝崩于西宮皇太孫即位明年己卯改元建文又三年壬午六月遜位于成祖文皇帝乃革建文年號通稱洪武三十五年英宗睿皇帝正統十四年己巳北狩八月因于土木以景泰八年丁丑春正月自南宮復辟改元天順蓋與民更新勢不獲已豈與無因改元者例論哉然張重華方臘俱號永樂契丹號天順西夏號正德國朝固不以為嫌也

歸田錄國朝百有餘年年號無過九年者開寶九年改為太平興國太平興國九年改為雍熙大中祥符九年改為天禧慶曆九年改為皇祐嘉祐九年改為治平惟天聖盡九年而十年改為明道

國家最重改元然歷世無窮美名有限易于重複如晉惠六同漢號一同吳號漢哀太初晉元建武魏孝武永興唐肅宗上元皆自同本朝年號乾德蜀號因宮人鑑背而知至五代保太中浚秦淮得石刻有大宋乾德二年凡六字乃輔公祐反江東時號則又并國號年號而同之不獨西蜀王衍矣事載宋朝類苑我明永



樂乃隋向開明涼張重華蠻張遇賢宋方臘所僭年號天順則元武宗太子阿速  
急入即位上郡年號正德為西夏王天祐僭國年號隆慶不獨山西州名實係金  
虜宮名泰昌始祚倭德草定而魏孝武先已有之後乃改永熙耳

法僧梁蕭莊南詔晟豐祐先已用之又郭子章傳草續記萬曆間予邑人掘地得  
一法馬。上鑿天啟三年造背有吉安路三字予考天啟乃梁王琳立永嘉王蕭莊  
稱帝改元也然時不稱吉安路稱路自元始考太和舊志至正戊戌紅巾徐貞一  
陳友諒陷江西下吉安泰和稱天啟三年法馬正其時物觀此則天啟之號前代  
已四見矣然則柄政者遇此大典可不詳稽博考而貽宰相須用讀書人之誚哉

### 正統記元

漢武帝建元元六年元光六年元朔六年元狩六年元鼎六年元封六年太初四年天漢四年太始四年征和

昭帝始元六年鳳元六年平元一年宣帝本始四年地節四年元康四年神爵四年五

鳳四年甘露四年黃龍一年元帝初元五年永光五年建昭五年竟甯一年成帝建始四年河平四年陽

朔四年鴻嘉四年永始四年元延四年綏和二年哀帝建平四年太初二年建平二年六月改至八元壽

年平帝元始五年東漢光武建武十三年明帝永平八年章帝建初八年元和三年章

和年二 和帝永元六 元興年一 瑒帝延平年一 安帝永初年七 元初年六 永甯年一 建元年一

延光年四 順帝永建年六 陽嘉年四 永和年六 漢安年二 建康年一 冲帝永嘉年一 質帝本初年一

桓帝建和年三 和平年一 元嘉年二 永興年二 永壽年三 延熹年九 永康年一 靈帝建甯年四 熹平年七

光初年七 中平年六 廢帝光熹年一 昭甯年二 帝為張讓等所劫還宮改元 獻帝永漢年一 詔除光熹昭甯

永漢年三 號復初平年四 興平年二 建安年五 建康年十 是年三月改元 蜀漢照烈章武年三 後

主建興年五 延熙年二 景耀年六 炎興年一 是冬鄧艾入蜀 晉武帝泰始年十 咸甯年五 太康年十

太熙年一 惠帝永熙年一 永平年一 元康年九 永康年一 永甯年二 永安建武年二 永興年二 是歲正月

為永安年十二 月改元建武年十一 月改元復光熙年一 懷帝永嘉年七 愍帝建興年五 元帝建武年一

太興年二 永昌年一 明帝太甯年二 成帝咸和年九 咸康年八 康帝建元年二 穆帝永和年二

升平年五 哀帝隆和年一 興甯年二 廢帝太和年六 簡文帝咸安年二 孝武帝甯康年三 太

元年二十 安帝隆安年五 元興年三 義熙年四 恭帝元熙年二 隋文帝開皇年二 仁壽年四 煬

帝大業年三 恭帝義甯年二 唐高祖武德年九 太宗貞觀年二十 高宗永徽年五 顯慶年五

龍朔年三 麟德年二 乾封年二 總章年二 咸亨年四 上元年二 儀鳳年三 通乾調露年一 先詔改明年

罷之次年年六 永隆年一 開耀年一 永淳年一 弘道年一 中宗嗣聖年一 是年正月改神龍年二 景

月始改調露年一 永隆年一 開耀年一 永淳年一 弘道年一 中宗嗣聖年一 是年正月改神龍年二 景

隆和 睿宗景雲太極延和先天二是年正月改元太極二月改元延和八月立皇太為皇帝改元先 玄宗開元十二

軌天寶叶 肅宗至德二年乾元二年上元一年寶應一年代宗廣德二年永泰一年大曆四年

德宗建中四年興元一年貞元二十一年順宗永貞一年憲宗元和五年穆宗長慶二年敬宗寶

曆二年文宗太和軌開成五年武宗會昌六年宣宗大中三年懿宗咸通四年僖宗

乾符六年廣明一年中和四年光啟三年文德一年昭宗龍紀一年大順二年景福二年乾甯四年光化

三年天復三年天祐一年昭宣帝天祐仍稱天祐四年宋太祖建隆三年乾德五年開寶軌太宗太

平興國軌雍熙四年端拱二年淳化五年至道二年真宗咸平六年景德四年大中祥符軌天禧

五年乾興一年仁宗天聖軌明道二年景祐四年寶元二年康定一年慶曆軌皇祐五年至和二年嘉祐

軌英宗治平四年神宗熙甯軌元豐軌哲宗元祐軌紹聖軌元符三年徽宗建中

靖國一年崇甯五年大觀軌政和軌重和一年宣和軌欽宗靖康二年高宗建炎四年紹

興三年孝宗隆興二年乾道軌淳熙軌光宗紹熙五年甯宗慶元軌嘉泰軌開禧三年嘉

定軌理宗寶慶三年紹定軌端平三年嘉熙軌淳祐軌寶祐軌開慶一年景定五年度

宗咸淳軌帝熈德祐二年端宗景炎三年帝昺祥興二年

偏竊紀元

漢更始劉三國延康曹黃龍丕太和曹青龍嚴景初嚴正始曹嘉平芳正元曹甘露

景元曹咸熙奐黃武權黃龍權嘉禾權赤烏權太元權神鳳權五鳳孫亮亮初

吳志太平亮永安孫元興孫甘露孫寶鼎孫建衡孫鳳凰孫天冊孫天璽孫天紀孫

晉元熙劉永鳳劉河瑞劉先興劉嘉平聽建元聽麟嘉聽漢昌劉光初劉太和劉建

平勅延熙石建武石大甯石永興石元璽史依天璽光壽馮建熙孫皇始符壽光

符生永興符甘露堅建元堅燕興慕容更始慕容太安符中興慕容太初符建初姚皇

初姚洪始北興此見永和姚洪建初李建興李太武雄玉衡雄玉恒李漢興李太和李嘉

甯勢太安呂麟嘉尤龍飛尤咸甯呂神鼎呂隆燕元慕容建興垂永康慕容建平慕容

長樂威光始慕容正始慕容建義伏仁太初伏更始乾歸永康伏建弘伏太平伏

馮太初亮建和利鹿弘昌亮嘉平傳建平德慕容太上慕容永安沮弘沮太平沮

昇赫連昌武勃真興勃南北朝永初劉景平劉義元嘉劉義孝建劉大明駸永光劉

子景和是歲正月改元永泰始劉泰豫或元徽劉昇明劉建元蕭道永明蕭隆昌蕭

業延興蕭昭建武蕭永泰鸞永元蕭寶中興蕭寶天監蕭普通行大通行中大通行

中大同行太清行大寶蕭承聖蕭天成明紹泰蕭智方泰平方永定陳嘉陳天康陳

卷一  
十三

舊光大陳伯宗太建陳項至德寶禎明寶登國皇始皇始天興天興天賜天賜永興永興

神瑞嗣泰常始光始光神麇神麇熹延和熹延和太延太延太平太平真君真君熹正平熹正平熹興安熹興安

光潘潘和潘和平潘和平潘天安潘天安皇興皇興延興延興承明承明宏太和宏太和宏景明宏景明恪正始恪正始恪永

平恪延昌恪延昌恪熙平恪熙平神龜神龜正光正光訓孝昌訓孝昌武泰武泰訓永安訓永安建義建義元建義元建義後改永

安普泰普泰元中興元中興元永熙元永熙修太昌修太昌永興永興後改永興後改永興又改永熙又改永熙大統大統元賢元賢天平天平元善元

象善興和善興和見善武定見善武定天保天保高乾明高乾明高皇建高皇建高演大甯高演大甯高天統高天統高武平高武平緯隆化緯隆化緯德昌緯德昌高

宗承光高恒武成武成宇文保定宇文保定天和天和建德建德建德建德宣政宣政大成大成宇文大象宇文大象宇文大定宇文大定行

承光赫連勝光赫連昌平昌平段建明段建明慕容建平慕容建平慕容建武慕容建武慕容建始慕容建始慕容永弘慕容永弘伏乞承

玄沮渠義和沮渠義和承和承和沮渠大定沮渠大定蕭天保蕭天保蕭廣運蕭廣運蕭五代開平蕭五代開平朱乾化朱乾化朱貞明朱貞明朱

貞龍德貞龍德友同光友同光李存天李存天成成長興長興應順應順李從清泰李從清泰李從天福李從天福石敬開運石敬開運石重乾

祐劉智遠承劉智遠承廣順廣順郭顯德郭顯德仍之武義武義楊隆順義楊隆順義楊乾貞楊乾貞溥泰和溥泰和天祚天祚溥昇元溥昇元昇

保大保大李交泰李交泰璟武成璟武成建永平建永平建通正建通正建天漢建天漢建光天建光天建乾德建乾德王威康王威康衍明德衍明德孟知廣

政孟乾亨孟乾亨劉白龍劉白龍龔一有龔一有龔光天龔光天劉應乾劉應乾乾和乾和晟大寶晟大寶劉龍啟劉龍啟王鏐永和王鏐永和鏐通文鏐通文鏐

鵬永隆王延天德王延天會劉承廣運劉繼寶正錢鏐元天祐張士龍鳳韓林大義大義

諒友天統明王德壽陳

篡賊偽號

漢居攝王莽初始莽始建國莽天鳳莽莽地皇莽莽建世劉盆子漢復魏龍興公孫

漢公孫晉神鳳義陽蠻丘沈大亨桓玄鳳凰李弘永始玄建始趙倫龍興楊子建武成王

庚子李盛玄李南北朝義嘉晉安劉天德梁交州李太初劉正平梁蕭天正梁武

蕭紀王太始侯景建平魏白亞真王魏拔陵天建魏念生真王魏杜魯興魏于修廣安魏葛

榮隆緒魏寶永平魏余按南史永安王建明魏荀兒大乘魏法天啟魏僧天授魏民劉獲

天統魏邢河間建明魏元神嘉劉胡聖君魏馬小神虎萬石平劉孫隋白

烏扶風人向海明大世劉延安明政李東海昌達魏朱始興唐書作師元天成太

平鄱陽人林士弘丁丑德寶建五鳳德安樂武威人通聖曹武徽法輪高皇泰皇天壽文

北開明王世泰興薛永平李天興劉武天造劉黑鳳鳴蕭延康興沈法永隆梁師唐光

宅武氏文明武豫立垂拱武永昌武載初武天授武長壽武如意武延載武天冊萬歲

武證聖武萬歲通天武萬歲登封武神功武聖曆武久視武大足武長安武唐隆王

茂建貞襄聖武安載初安慶天和史順天史顯聖史武成李烈希

應天宋天皇此王霸黃金統集天冊董昌五代鳳曆宋友永樂張遇宋阜昌劉明受

苗景瑞高傑智啟曆高永樂方臘

夷狄年號

倭白雉大寶白龜天平勝寶永延靺鞨仁安大興正曆永德朱雀太始建興咸和夏

開運吳廣運吳大慶吳天授禮法延祚吳延嗣甯國祿天祐垂聖祿福聖承道祿禪

都祚拱化祚乾道禿天賜禮盛國慶禿天安禮定禿天儀治平暹天祐民安暹永安

毗貞觀毗雍甯毗元德毗正德毗順大德毗順大慶毗於人慶毗於天盛毗於乾祐毗於天慶毗佑應

天全先定暹乾定暹契丹後神冊阿保天贊阿保天顯阿保德仍其號暹會同德先德大

同先天祿元應曆迷律保甯耶律乾亨賢統和耶律開泰隆太平緒景福耶律重熙宗

清甯耶律咸雍洪基太康洪基大安洪基壽隆洪基乾統耶律天慶延禧保太延隆基高永建福

耶律德興耶律天復回離神曆耶律延慶耶律康國大石咸清塔不煙紹興耶律崇福

善連天禧直魯女直後金收國阿骨天輔阿骨天會吳乞天眷完顏皇統曹天德

完顏貞元亮正隆大定完顏明昌完顏承安瑛泰和瑛大安完顏崇慶永至甯永貞

祐宗顏興定珣元光珣正大耶律開興緒天興緒天正務刺蒙古後元中統世至

元世祖元貞成宗大德成宗至大武宗皇慶仁宗延祐仁宗至治英宗泰定也孫致和也孫天曆文宗  
順泰定至順文宗統順帝至元順帝至正順帝

國朝遠過前代

王元美曰。高皇帝開乾轉坤。功復千古。又有古創業之主所不敢望者。四享天下三十二年。一也。聖壽七十有一。二也。自江左并中原。三也。太子諸王二十四人。公主十六人。皆受冊封。四也。成祖文皇帝。自起事至下京師。凡大小百餘戰。未嘗不身冒矢石。即位之後。四征北虜。三下交南。舟車之地。無間大小。遠邇悉奉琛幣。若榜葛刺。滿刺。加忽魯謨斯。新受朝命為王者。殆三十國。東逾遼水。韃靼女直野人兀良哈之屬。立行都司衙門。設官統治。凡三百處。直西部落數百種。皆重譯來附。其請置官府。蓋三之二。西南羗夷。建甯慰宣安撫司。及軍衛郡縣。增益數百。自古討西南夷。未有生得其王者。獨當時下安南。得偽大虞太上皇。偽虞國主。偽越上皇。偽越王。錫蘭山國王。亞烈居納兒。蘇門答刺。并王弟。蘇幹刺。自古西南夷國主。未有來朝者。獨其時。淳沅國王來朝闕下。卒京。其子受封闕下。滿刺加王。蘇祿國王。麻朗國王。來朝受封爵。各國貢物。自金銀犀象香藥珊瑚玳瑁鶴頂龜筒諸器。此外鳥則孔雀火鷄紅



白鸚鵡倒挂駝鳥獸則麒麟白鹿白象紅猴黑猴黑猿白麕福祿馬哈刺六足龜白獺而中國亦自兩進駟虞人則金衣銀衣黑小廝香則各色龍腦奇南蘇合油布則兜羅錦紅撒哈刺八者藍靛木黑蕪蔓番河紅絞節智杜花頭乍蓮花織人象之類充初天府謝鐸云我太祖速過于宋者有五事一攘夷狄以收服諸夏二肇基南服而一統天下三威加勝國而鋒刃不交四躬自創業而臨御最久五申明祖訓而家法最嚴陸文量云本朝政體度越前代者數事公主寡不再擇備中官有寵者賜袍帶不與朝臣并任王公不敢擅官人重臣不得自拜下僚文廟不用塑像只用木主岳鎮海瀆之神不加封號文武官員不得挾妓陳眉公曰更有十事生員不得陳民間利病九鎮鎮府以文臣為將天子自為居守閣臣六卿外廷公推內廷不得專擅母后不稱制勳戚不干政皇子講官即宮坊察案不立博望苑不開天策府無殉葬不用熬剗閹刑之刑京師有熱審省直有減刑非大典不輕赦三品以上始蔭予入監紈袴不得濫朝籍四公鋪叙國朝盛美可謂詳悉因合錄之

#### 四種輪王

仁王經世間帝王凡有五種其一粟散王威德最劣二鐵輪王治闍浮提三銅輪王

兼二天下。四銀輪王。化三天下。五金輪王。統四天下。廣弘明集。秦皇漢武。閻浮提內。唯主震旦。五種王中。乘散王也。慈恩經云。輪王威定。諸方亦有差別。金輪望風順化。銀輪遣使方降。銅輪震威。乃服。鐵輪奮戈。始定。俱舍經云。從此洲人壽無量歲。乃至八萬歲。有轉輪王生。金輪寶現。其輪千輻。具足轂輞。眾相圓淨。如巧匠成。舒妙光明。又釋明繫決對云。中國者三千日月萬二千天地之中央也。故有輪王迭出。聖主繼興。又佛經稱優曇華。乃佛瑞應。三千年一現。現則金輪王出世。王勃益州善寂寺碑。握仁王之寶鏡。日月重光。驅梵帝之金輪。雷霆靜禋。唐武氏號天冊金輪聖神皇帝。

五德遞王

禮斗威儀。君乘金而玉。為人美眉。乘火而玉。其人銳頭。乘水而玉。其人大頭。河嶺。蒼帝方面。赤帝圓面。白帝廣面。黑帝深面。王勃嘗作大唐千歲曆云。以土王者五十代。而一千年。金王者四十九代。而九百年。水王者二十代。而六百年。木王者三十代。而八百年。火王者三十代。而七百年。自黃帝至漢。並是五運真主。五行之匝。土德復歸于唐。開元張說握符頌序云。昔在唐虞之際。以斗精受命者七人。得四鈞間氣而生者。又二十八人。所謂三十五際者也。禹以金德王。故夏后氏有天下。得生數四百年。

契以水德王。故殷得成數六百年。稷以木德王。故周得成數八百年。伯益之命。中天而先族。以火德乘之。故漢有天下。得生數再成三百年。其間距王而興。不能復九州之迹。及勝殘百年之命者。皆五運之餘氣也。緯以入元三百歲為德運。七百六十歲為代軌。千五百二十歲為天地出符。四千五百六十歲為七精反初。天人相應。若合符節。易乾鑿度。孔子曰。立德之數。先立木。金。水。火。土。德各三百四歲。五德備。凡千五百二十歲。太終復初。故曰五行更用。見郎覲傳注。又魏志注。帝王者。五行易姓之符。代興之會。以七百二十年為一軌。有德者過之。至于八百。無德者不及。至四百載。是以周家八百六十七年。夏家四百數十年。漢行夏正。迄今四百二十六歲。

帝王享國之久

人主享國之久。五帝而下。黃帝一百十年。少昊八十四年。顓頊七十八年。高辛七十年。堯百年。舜五十年。帝不降五十九年。桀五十二年。武丁五十九年。昭王五十一年。周赧王五十九年。周穆王。漢武帝五十五年。周平王五十一年。梁武帝四十九年。周顯王。我明神宗四十八年。周宣王。唐玄宗。及我明世宗四十六年。秦莊襄王。齊景公五十九年。高宗在位三十一年。為上皇二十五年。居帝位之晚者。武王八十七。宋高

祖六十四。唐明宗六十一。混一之晚者。元世祖六十三。又王元美識小錄載國朝親王享國之久者。吉簡王見俊七十一。年。代簡王桂六十九。年。魯靖王肇輝六十四。年。德莊王見濟。晉莊王鍾鉉俱六十一。年。岷莊王棟六十年。潘莊王幼學五十八。年。甯獻王權五十八。年。周定王楠五十七。年。襄憲王瞻塏。壽定王祐楮。淮康王祚鍾俱五十五年。益端王祐楨五十三。年。衡恭王祐樞五十二年。

### 天子別號

唐文皇自稱天可汗。唐宣宗自稱鄉貢進士。南唐李后主自稱蓮峯居士。又自稱鍾隱居士。唐玄宗會昌投龍文。自稱繼元。昭明三光弟子。南嶽上真人。宋徽宗羣臣上尊號。玉京金闕七寶元臺紫薇靈寶至真玉宸明皇大道君。其上章青詞。自稱奉行玉清神霄保元一六陽三五璇璣七九飛元大法師都天教主。

政和乙酉道籙院上章。冊帝為教王道君皇帝。元順帝自稱玉宸館瓊花第一洞烟霞小仙明。

武宗皇帝。自稱太師威武大將軍朱壽。又正德五年。上自號大慶法王。西天覺道圓明自在。大定慧佛。特給黃金印。白玉軸頭。誥命。嘉靖三十五年。恩封睿宗為三天金

闕無上玉堂都仙法主玄元道德哲慧聖尊開真仁化大帝。獻皇后為三天金闕無上玉堂總仙法主玄元道德哲慧聖母慈化天后。孝烈方皇后為九天金闕玉堂輔聖天后掌仙妙化元君。上初封靈齋上清統雷元陽妙一飛玄真君。加封九天弘教普濟生靈掌陰陽功過大道思仁紫極仙翁一陽真人。元虛玄應開化伏魔忠孝帝君。再加太上大羅天仙紫極長生聖智昭雲統三元証應玉虛總掌五雷大真人。玄都境萬壽帝君。自是四十五年。又不可勝紀矣。

### 舉孝廉為人主

先舉孝廉。后為人主者。魏武帝。吳大帝。先狀元及第。后為人主者。夏主李遵頊。再即大位者。中宗弘道元年二月六日。以皇太子即位。嗣聖元年降廬陵王聖曆。元年為皇太子。神龍三年再即帝位。昭宗龍紀元年。自壽王即位。光化三年。遷為太上皇。天復元年。再即帝位。國朝英宗皇帝。以正統己巳年。翠華北狩。為太上皇帝。朔漢一年。居深宮七年。再踐天子位。改元天順。憲宗以正統己巳冊為皇太子。景泰壬申封沂王。天順壬午。復冊為皇太子。一為親王。再正青宮。近代所無。

### 外夷朝貢

元時外夷朝貢者千餘國。可謂窮天極地。罔不賓服。而惟日本崛起。不臣阿刺罕等。率師十萬往征。得返者三人耳。國朝洪武中。四夷王會。共千八百國。嗣後朝貢之國。多前史所未載。今考其名。曰朝鮮。曰女真。曰琉球。曰烏思藏。曰赤斤蒙古衛。曰罕東衛。曰安安衛。曰曲先衛。曰哈密衛。其經哈密而來者。凡三十六國。曰火州國。曰亦力把力。曰撒馬兒罕。曰哈烈。曰于闐。曰安南。曰占城。曰暹羅。曰爪哇。曰真臘。曰滿刺加。曰古麻刺。曰三佛齊。曰淳泥。曰蘇門答刺。曰蘇祿國。曰彭亨國。曰西洋古里。曰古里。曰瓊里。曰榜葛刺。曰大友。曰默德那。曰古里班卒。曰錫蘭山。曰白葛答。曰呂宋。曰合猶里。曰打回。曰日羅夏治。曰阿魯。曰甘巴里。曰忽魯謨斯。曰柯枝。曰麻林。曰沼納。撲兒。曰加異勒。曰祖法馬。曰溜山。曰阿哇。曰淡巴。曰須文達那。曰覽邦。又永樂中來朝者十六國。曰韃靼。曰兀良哈。曰拂林。曰南巫里。曰急蘭丹。曰奇刺尼。曰夏刺比。曰窟察尼。曰烏涉刺。曰魯密。曰彭加那。曰捨刺齊。曰八可意。曰坎巴夷替。曰祖法兒。曰黑葛答。曰八答黑商。曰日落。曰夷北小王子。曰瓦刺。曰海西連建州野人。曰西域哈密哈三。曰土魯番。曰洮州番族。曰西固城番族。曰階州文縣番俗。廣輿畚攷。嘉靖以前。四夷入貢。東北朝鮮等二。東日本一。南安南占城等六。西南淳泥等四十九。西

哈喇等四十六。西北哈密等七。北朵顏韃靼等二。今東西洋通販諸國。西洋則交趾

清華 順化 廣南 占城 暹羅 坤甸 加吧 東埔寨 大泥 吉蘭丹 舊港 占畢 新州 提夷

麻六甲。啞齊。彭亨。柔佛。丁機宜。思吉港。文郎馬神。池悶。東洋則

呂宋。東番 大港 玳瑁 中邦 呂蓬 唐老 蘇祿 高藥 猫里務 樵老 沙瑤 叻

嗶嘑。班隘 美洛居 文萊 鷄籠淡水

張紹和曰。島外諸國。惟交趾占城暹羅彭亨呂宋蘇祿。舶人所稱。尚啟故沿。若下

港之為爪哇。東埔寨之為真臘。大泥之為渤泥。舊港之為三佛齊。麻六甲之為滿

刺加。啞齊之為蘇門答刺。思吉港之為蘇吉丹。暹悶之為吉里地。問文萊之為婆

羅。猫里務之為合猫里。往往訛璞為朴。認魯為魚也。

姑蔑徐應秋君義父輯

一門執象笏者百人

古人子姓貴盛可記者。西漢金日磾。張安世。七葉珥貂。楊震至彪。四世太尉。袁安至  
隗。四世五公。唐蕭瑀。八葉宰相。漢荀氏。六世九公。人所共知。他若漢明帝時張繡。為  
三公時。其父尚在。公卿朝罷。俱詣繡府。奉觴上壽。身為帝師。歷太尉。司空。司徒。其子  
復。為和帝侍講。曾孫濟。位至司空。亦侍靈帝講讀。濟弟喜。亦為司空。俱封侯。東漢耿  
氏。自中興訖建安末。大將軍九人。卿十三人。尚公主三人。列侯十九人。郎將護羌校  
尉。及刺史二千石數十百。與漢興衰。梁冀一門。前後五侯。三皇后六貴人。三大將軍。  
卿將尹校五十七人。魏太尉穆崇。六世尚主。諸昆季尚主者。又十餘人。七世掌機密。  
四為三公。二代封王。陸凱家同時在朝。二相五侯將軍十餘人。隋高祖受禪。朱穆來  
朝。拜太師。子孫雖在襁褓。悉拜儀同。一門執象笏者百人。後漢應樞。神光照社。探得  
黃金。后應順。應壘。應楨。應奉。應劭。應瑒。應亨。七世通顯。晉王導。王洽。王詢。王曇首。王  
僧虔。王揖。王筠。亦七世通顯。宋謝莊。子朏。孫覽。四代六人。並為吏部尚書。宋何尚之。



子偃。偃子戡。戡子昌寓。昌寓子敬容。祖孫五世為吏部尚書。劉林甫。劉祥道。劉齊賢。三世典選。王彪之子臨之。臨之子納之。納之子淮之。四世並為御史中丞。張嘉貞。三代為相。四代掌綸誥。又胡宿。胡宗愈。胡文修。胡世將。四世掌誥。李德林。李百藥。李安期。徐齊暉。徐堅。徐嶠。孫遜。孫宿。孫簡。張說。張均。張濛。李昉。李誥。李昭述。並三世掌綸誥。又崔邠。崔暉。崔暉。兄弟三人。並為禮部侍郎。謝安至孫昆。三世並為僕射。宋史吳琳子挺。挺子曦。三世節度使。錢忱。高祖俶。祖惟。父景臻。四世為節度使。鄭紳。鄭成。鄭藻。鄭興裔。四世為節度使。史浩。史嵩之。及史彌遠。三世為節度使。張儉。張文。張巡。李峴。李峴。李嶧。並兄弟同列三戟。唐崔琳。與太子詹事珪。光祿卿瑤。俱列戟。號三戟。崔家。郡從多。至大官。每謁大明宮。冠蓋相望。遇宴集。一榻置象笏。猶重疊其上。王儉。子暕。暕子承。三世為國子師。孔穎達。孔志。孔惠元。三世並為司業。梁顥。子適。適子美。三世為京兆尹。趙才。子道興。道興子皎。三世為執金吾。周訪。子撫。撫子楚。三世為益州牧。李宗諤。子昭。昭十八歲。瑣廳及第。昭。子杲。杲。杲。杲。皆不踰是歲。三世為探花郎。可謂盛矣。國朝閬縣郡守林元美。中永樂辛丑進士。其子林文安。瀚。繇。大司馬。改南冢。宰。文安子九人。庭棉。大司空。庭機。大宗伯。庭楷。指揮。庭杓。慶遠。知府。

庭球湖州推官庭梈子炫通叅嫌太宗伯煙大司空凡三代典成均一門五尚書而他蔭敘及舉孝廉者不下數十人靈寶許進太子少保大冢宰凡八子誥大司空讚少保文淵閣大學士論太子太保大司馬詩布政父子五進士而四為尚書及諸孫為郡守曹郎登科第者又十餘人餘姚忠烈公副都御史贈尚書孫燧燧子孫陞嘉靖乙未榜眼南大宗伯陞子吏部尚書鑄甲戌會元兵部尚書鑄父子三尚書又都督僉事堪尚寶卿輝堪子都督同知鈺陞子禮部侍郎鈺右僕卿鏞鏞子御史如法叅政如洵輝子大學士少保如游孫丁丑進士嘉績蒲州楊太宰博子俊民至尚書俊卿鄉會武舉俱第一至都督同知俊士舉進士俊卿子元祥十九歲為翰林院檢討鉛山費參議瑄子少師大學士宏少保尚書寔宏子武選郎中懋賢從子翰林修撰懋中工部郎中懋良四川巴縣劉御史規子成化丁未榜眼禮部尚書春叅政台春子副都御史彭年彭年子行太僕卿起宗起宗子布政使世賞台子叅政學年后有都御史世曾仁和江叅政玘子禮部尚書瀾瀾子工部侍郎曉曉子僉事圻圻子都御史鐸宗黨貴盛一時者嘉靖間吏部侍郎歐陽鐸禮部尚書德工部侍郎塾少保必進太僕卿衢都御史重御史席餘丞郎守令數十人兵部侍郎潘珍潘旦工部

侍郎希曾。工部尚書鑑。兵部尚書潢。又會稽之陶參議。懌。都憲。諳。吏侍學士大臨。南  
禮部尚書承學。布政使幼學。叅政大年。都御史大壯。布政使大膺。憲副大有。尚寶丞  
允瀉。主事允宜。宮保望齡。山東新城王重光。戶左侍郎。子之輔。戶部員外。之輔子  
王象乾。兵部尚書。王象斗。乙未進士。戶部象節。壬辰進士。檢討之馭。浙江按使之馭  
子象恒。應天巡撫。象春。庚戌進士。南考功郎。之垣。戶部尚書。子象晉。甲辰進士。浙江  
右布政。之都。乙未進士。開封知府。子象雲。辛丑進士。叅政。之垣。子象賁。戶部員外。象  
賁子與。徹。戊辰進士。御史。莆田黃壽生。永樂。辛卯。解元。子琛。景泰。辛未。進士。仲昭。成  
化。丙戌。進士。琛子乾亨。成化。乙未。進士。乾亨子如金。弘治。乙丑。進士。仲昭孫希英。弘  
治。乙丑。進士。凡四世。進士。興化柯英。弘治。乙未。進士。子維熊。正德。丁丑。進士。維騏。嘉  
靖。庚戌。進士。維騏孫茂竹。萬曆。癸未。進士。茂竹子景。萬曆。甲辰。進士。凡五世。進士。武  
進。陸愷。正德。乙丑。進士。弟愉。天順。庚辰。進士。弟怡。成化。乙未。進士。愕子陸簡。成化。丙  
戌。進士。陸節。弘治。壬戌。進士。陸義。正德。戊辰。進士。兩世六進士。真足方美。前古。若父  
子貴顯者。宋贈太子少師。陳去非。子贈侍中文忠公。堯佐。次贈太尉。康肅公。堯咨。一  
相中書。一長樞密。一為侍從。俱登甲第。而堯更堯咨兄弟狀元。俱建節。宋徽猷閣學。

士忠宣公洪皓子平章事文惠公适知樞密院文安公遵端明殿學士文敏公邁父子兄弟俱登制科知制誥俱以學士終漢史丹九子並為侍中唐博陵崔倕六子一登輔相五任大僚太常卿邠太尉卿鄴外臺尚書郎廷尉卿郇執金吾菽左僕射鄆又邠及鄆五知貢舉得一百四十八人宋忠獻公太子少師韓億子太傅絳太子少師維司空鎮武惠公贈中書曹彬子河陽節度武懿公璨鄆武節度瑋定國節度忠恪公琮億八子彬七子餘亦各有顯官汾陽忠武王郭子儀八子而顯者四代國公暉趙國公晞代國公暖祁國公暉西平忠武王李愬子十三人而顯者亦四河中節度使扈嶺南節度使憲涼國公愬太子太保聽宋之五竇端明學士儀禮部侍郎儼起居郎侃叅知政事偁補闕僖皆諫議大夫竇禹鈞之子唐有五竇國子祭酒常司業牟容管經畧群婺州刺史庠武昌節度使鞏皆左拾遺竇叔向之子國朝父子兄弟同舉進士者尚書吳江吳洪子吳山吳琨御史常熟章珪子章表章格章律光祿卿餘姚陳煥子陳陞陳墀陳瑾弋陽參政汪鳳子成化辛丑進士汪傑弘治癸丑會元禮部尚書汪俊翰林院侍讀汪偉翰林院侍讀汪佃侍郎臨海王宗沐子刑部主政士崧方伯士琦僉都御史士昌布政南昌劉曰林子巡撫一焜員外乙未進士一

煜一煜子甲戌進士鳴謙大學士一煜都御史安陸陸洪子行人槩副都御史渠副  
都御史臬刑部尚書長子楊志象子兵部侍郎楊守濂叅政守沘布政守魯又布政  
福山孫遇子大理丞珂給事中珪尚寶卿琰曹縣副都御史王珣子副都史王崇文  
太僕寺卿崇獻副使崇仁崇儉又鄞縣教諭戴湯子布政戴鰲叅議戴鯨副都御史  
戴鰲主事戴鰲嘉靖丁未狀元興化大學士李春芳子茂材尚寶司丞茂材子思誠  
戊戌進士禮部尚書思誠孫清辛未進士兵科給事中茂功興化知府子思聰封主  
事思聰子喬己未進士陝西巡撫嗣京戊辰進士御史思敬處州府知府思敬子長  
倩甲戌進士歸安知縣嘉興項萬壽壬戌進士參議子德禎丙戌進士德禎子鼎鉉  
辛丑進士庶吉士聲國甲戌進士嘉興嘉靖丙辰進士副使黃鏞鏞子辛未進士翰  
林侍讀洪憲洪憲子丙戌進士福建巡撫工部侍郎承玄丙辰進士吏科給事中福  
建按察使承昊紹興嘉靖癸丑進士太僕卿姜子羔子羔子萬歷壬午解元癸未進  
士贛州知府鏡鏡子丙辰進士廣東左布政一洪癸丑進士禮部尚書逢元武進尚  
寶卿吳性子侍郎中行中行子萬歷辛丑進士大理卿吳亮乙未進士叅政吳玄庚  
戌進士龍溪知縣吳奕行人吳亮亮子辛未進士福建副使簡思士戌進士祥符知

縣柔思。晉江萬。歷壬辰武進士。行都司。林武直。子光祿。寺卿。戊戌進士。欲棟。禮部尚書。丁未進士。癸卯。解元。欲楫。欲棟。子。丁丑進士。期昌。懷寧。左布政。劉尚忠。子崇禎。戊辰。狀元。若宰。丁丑進士。若宜。嘉靖甲戌。會元。禮部侍郎。瞿景淳。景淳子。辛丑進士。湖廣參議。汝說。汝說子。戶科給事。丙辰進士。式耜。永樂中都督僉事。趙清。子九人。長璟。同時為都督。而琮。珣。瑛。瑒。俱世襲指揮使。亦其流亞也。

嘉話錄。武后朝。宰相石泉。公。王方慶。進。其家自右軍已下。至僧虔。智永。禪師。二十五人。各書帖一卷。命崔融作序。謂之寶章集。亦曰王氏世寶。梁書。劉孝綽兄弟及群從諸子。侄。當時有七十人。並能屬文。三妹適琅瑯王叔英。吳郡張嶸。東海徐悱。並有才學。晉王祥弟覽。孫導。至十一世孫褒。歷兩晉。宋齊梁陳。后周。凡七十餘人。皆有列傳。如羲之。獻之。徽之。弘。僧達。曇首。僧綽。僧虔。儉。皆有孫裔。及河東裴氏。十代有傳。王禹玉。歷仁宗。英宗。神宗三朝。並為翰林學士。其家自太平興國。至元豐十榜。皆有人登科。王詩有三朝過主。惟文翰十榜。傳家有姓名。更為千古未有之奇。隋唐嘉話。載朱正諫。敬則代著孝義。自宇文周至國家。並令旌表。門標六闕。宋三世宰相。呂文穆公。從子文靖。從孫正獻。揮麈錄。呂文穆相。太宗。猶子文靖。

參真宗政事。相仁宗。文靖知樞相哲宗。正獻孫舜徒為太上皇右丞相。繼執七朝政。真盛事也。

國初詹同。以翰林院承旨。兼吏部尚書。館二綬。蓋侍從六卿之長。其子徽。以吏部尚書兼左都。亦館二綬。蓋六卿三法司之長也。后許進。與子論。俱為吏部尚書。復與子誥。俱為兵部尚書。威之極而且奇者也。

隆慶初。徐少師偕首揆。而弟陟南少師。冠長子璠。太常寺卿。次子瑛。少子琨。俱尚寶少卿。孫元春。亦舉進士。為太常卿。亦費之亞也。

李晟為太尉。子愬亦太尉。杜牧贈詩曰。家呼小太尉。國號太涼公。

孝廟人才之盛。好事者取其父子同朝。作對聯云。一雙探花父。兩個狀元兒。時蓋張宗伯昇。己丑狀元。子恩。王禮侍。華辛丑狀元。子守仁。俱為兵部主事。戶部郎中。劉鳳儀。則己未探花。龍之子。兵部員外李瓚。則壬戌探花。廷相之父。一時同朝。前此未之有也。弘治正德間。鄞縣楊吏侍守陞。工書守隨。廣西右布政守隅。而守陳子刑侍茂元。按察使茂仁。

四世甲榜。鄒賢。鄒守益。鄒善。鄒德涵。德溥。德泳。唐荆川順之子。鶴徵。孫倣。純。而荆

川父舉人祖進士給事中

附

皇明盛事。成化中大學士眉州萬安子翼南禮部侍郎孫弘璧庶吉士正德中大學士楊廷和父春以提學僉事致仕子慎狀元官修撰嘉靖中烏程董份官禮部尚書子慎南京工科給事中孫嗣成禮部郎俱三代無恙嗣昭乙未進士

國朝鄞縣楊守陳守止兄弟各發本省解其后對掌南北成均並為尚書其家堂聯有金榜題名四世十科進士玉階聽履一門三部尚書可謂極盛矣

萬歷庚辰科狀元張懋修二甲張敬修榜眼蕭良有二甲蕭良譽探花王庭謨二甲王庭諭皆同父兄弟也又同郡占一甲進士者建文庚辰科胡靖王艮李貫俱吉安人永樂甲申曾榮周述周孟簡俱吉安人同縣占一甲者成化戊戌曾彥曾追俱泰和人成化辛丑王華黃珣俱餘姚人弘治乙丑董圯謝丕俱紹興人嘉靖乙未韓應龍孫俱餘姚人

三女各生一朝天子

獨異志郭太后貴極連綿八朝帝王代宗外甥孫德宗外孫順宗新婦憲宗皇后穆



宗之母。敬宗、文宗、武宗三宗祖母。又獨孤信三女，各生一朝天子。長生周武帝，次生隋煬帝，次生唐高祖。從古貴女，未有如獨孤氏者。其次則唐苗夫人，其父太師，其舅張河東嘉貞，其夫張延賞，其子張弘靖，其孫張次宗，其僭韋臯，宋韓奉常治之妻，魯國太夫人文氏，潞公之孫，魏公之孫婦，儀公之冢婦，呂文穆之外甥孫，魯簡肅公之外曾孫，呂文靖之曾外孫，見其子倪胄為樞密，僭億年為資政學士，他子孫俱被寵擢，壽八十，亦婦人中罕有。若嚴延年母，其子五人，皆至大官，東海號為萬石嚴，姬南史杜泰姬七子，皆應辟命，察舉州牧郡守，晉汝南王亮母，伏大妃，祓于洛水，亮兄弟三人侍從，並持節鼓吹，震耀洛濱，武帝登陵雲臺，望見羨其富貴，故未足奇也。石林燕語：韓忠憲公億夫人王魏公女，忠憲參知政事，雖不為相，其子康公王汝皆為宰相，持國又為門下侍郎，長子綜雖早死，亦為知制誥，皆王氏出，亦堪方美前代矣。又小說：沈約母拜建昌太夫人，時帝使散騎侍郎就家讀策，受印綬，自僕射以下數百人，就門拜賀，宋梁以來命婦，未有其榮，唐李光弼母封韓國太夫人，二子李光弼封臨淮郡王，光進封武威郡王，皆為名將，死葬長安高原，將相祭奠，凡四十四幄。

父子配享廟廷

宛委編記父子配享廟廷者。唐太師西平王李晟。太尉涼國公李愬。宋中書令濟陽王曹彬。侍中曹瑋。尚書令魏郡王韓琦。太師儀國公中彥。父子俱為宰相。或大將。位望俱極隆重者。商宰衡伊尹。左相伊陟。漢絳侯周勃。丞相條侯周亞夫。吳丞相荊州牧婁侯陸遜。大司馬荊州牧婁侯陸抗。北齊左丞相咸陽王斛律金。左丞相咸陽王斛律光。其次則韋賢。韋玄成。李邵。李固。袁安。袁敞。王龔。王暢。蘇瓌。蘇頌。韓休。韓滉。李吉甫。李德裕。呂夷簡。呂公著。父子同時在大位為三公者。漢右將軍上官桀子。驃騎將軍上官安。大司馬大將軍霍光子。右將軍霍禹。大將軍耿況。大將軍耿弇。相國司馬昭子。開府儀同三司司馬炎。晉太宰司馬孚子。大司馬司馬望。太傅司馬道子子。開府儀同三司司馬元顯。宋太傅蕭道成子。開府儀同三司蕭願。魏太師馮熙。司徒馮誕。太師元繼子。開府儀同三司元乂。太師大丞相高歡子。大將軍高澄。后唐中書令趙德鈞子。侍中趙延壽。吳太尉徐知誥子。司徒徐景通。宋太師尚書令錢俶子。檢校太師侍中錢惟濬。太師蔡京子。太保蔡攸。太師秦檜子。少師秦熈。元太師月亦察兒子。太保塔剌海。太子少師瓜頭。太保馬札兒台子。右丞相脫脫。父子對秉機政者。晉王暉為尚書左僕射。濟為侍中。治門下。荀吳紀亮為尚書令。子隲為中書令。父子

天策上將軍者。楚王馬殷子馬希範。父子太師者。王舜子匡。史浩子彌遠。父子同時封王公侯者。昌黎王馮熙。南平王誕。魯國公蔡京。燕國公蔡攸。益國公秦檜。嘉國公秦燾。各自以恩澤封。義陽王陸侯。東平王麗舒。國公李益。英國公李世勣。東光侯耿況。好時候。耿弇。婁侯張昭。都鄉侯張承。宣城侯諸葛瑾。都鄉侯諸葛恪。各自以功猷封。父子丞相者。周勃子周亞夫。韋賢子韋玄成。曹操子曹丕。斛律金子斛律光。史浩子史彌遠。又皇明盛事。載國朝父子並至尚書者。史書翰林學士承旨詹同。太子少保吏部尚書。並左都御史詹徽。太子太保吏部尚書何文淵。文淵閣刑部尚書何喬新。少保謹身大學士王文。南禮部尚書王宗彛。刑部尚書耿九疇。太子太師吏部尚書耿裕。南刑部尚書周璫。太子太保禮部尚書周經。南禮部尚書倪謙。太子少保吏部尚書倪岳。刑部尚書施禮。太子少保禮部尚書掌鴻臚寺事施純。太子少保兵部尚書白圭。太子少保禮部尚書翰學士白鉞。太子太保吏部尚書王恕。南戶部尚書承裕。南工部尚書侯瓚。戶部尚書侯觀。太子少保吏部尚書許進。南戶部尚書許誥。少傅太子太傅吏部尚書文淵。大學士許讚。太子太保兵部尚書許論。南兵部尚書林翰。太子太保工部尚書林庭楫。南禮部尚書林庭機。南吏部尚書王華。新建伯南

兵部尚書左都守仁南刑部尚書吳洪刑部尚書吳山戶部尚書李瓚太子賓客戶部尚書翰學李廷相太子少保刑部尚書劉璟刑部尚書劉調南工部尚書何詔刑部尚書何鰲少師太子太師吏部尚書楊溥戶部尚書楊俊民南禮部尚書孫陞南吏部尚書孫鏞左都御史王忬南刑部尚書王世貞少保太子太傅禮部尚書武英殿大學士陳以勤禮部尚書東閣學士陳于陞凡三十三家四十九人內詹許俱太宰倪氏俱學士林氏俱司成陳氏俱內閣又朱復為燕府左相位尚書上而子濬為刑部尚書楊溥為少師而次子俊卿至都督同知雖文武異途然皆腰玉父子至三品九卿者劉翰學朱升子禮侍大同兵部侍郎朱鍾公勛戶侍永吏部尚書趙好德工部侍郎毅戶部尚書王純戶部侍淪工部侍郎陳壽戶侍常禮侍儀公智太子太保兵書銘工書蔡澄右侍郎叔林禮部侍郎蔣驥左副都琳工書畢彥右副都昭少師太子太師吏書華蓋太學士萬安南禮侍翼兵書兼大理寺卿程信禮侍翰學贈尚書敏政戶侍李暹南戶侍益吏侍楊守陳刑侍茂元南吏書王俱右副都沂太子太傅刑書白昂右副都圻右副都李介兵侍昆少傅太子太傅戶部謹身大學謝遷吏侍翰學丕南禮書江瀾工侍曉兵侍邊鏞左副都憲右副都憲禮書劉春右副都

彭年。南工尚書董越。大理卿天錫。右副都王珣。右副都崇文。右副都孫燧。禮書陞都御史劉洪。右副都臬刑書楊志學。兵侍守謙。太子太保兵書王憲。右副都汝孝。兵侍陶諧。右副都大順。吏侍大臨。少師太子太師吏書華蓋大學士嚴嵩。工侍世蕃。刑侍劉玉。南工侍懿。右副都吳滌。通政使三樂。兵書王邦瑞。南刑侍正國。大理卿汪文盛。南吏書宗甲。置兵書李燧。僉都御史材。父子同在翰林者。唐應奉。肅侍講之淳。胡閣學廣。檢討種金。閣學幼孜。檢討達王。學士直。檢討積。曹學士彙。修撰恩。倪學士謙。學士岳。楊中允。鼎。學士時。暢。商。殿學輅。侍講良臣。鄒少詹濟。禮侍兼左庶子幹。焦殿學芳。侍講黃中。劉閣學宇。編修仁。謝殿學遷。學士丕。江學士瀾。修撰暉。楊殿學廷和。修撰慎。倫。諭。德。文。叙。諭。德。以。訓。孫。中。允。陞。諭。德。鍾。冕。洗。馬。慄。庶。吉。士。栗。吳。陳。殿。學。以。勤。學。士。于。陞。張。殿。學。居。正。編。修。嗣。修。修。撰。懋。修。又。宋。錢。文。僖。公。記。父。子。入。院。一。家。李文正子昌武。后又有四家。錢希白子飛。梁仲素子莊。肅。蘇儀甫子容。洪忠宣子景伯。景嚴。景盧。父子史官。司馬諱子遷。劉向子歆。班彪子固。王銓子隱。王察子簡。李太師子延壽。劉知幾子陳。又蔣義貞。元中為史館修撰。子係。太和中拜史館修撰。仲太中初。右補闕史館修撰。偕歷官左拾遺。史館修撰。父子四人同在史館。朱綬。仁宗朝。

同修國史子敏求史館修撰父子同在史館

父子至相者類聚除宛委所載外有平當子晏唐劉祥道子齊賢樂彥璋子恩陸元方子象先竇德玄子懷貞清廣子元統令狐楚子絢崔鉉子讓能徐商子彥若崔慎由子徹韋仁約子承慶鄭珣珍子覃朗

却掃編載宋初至靖康元年父子秉政凡十二家王惠獻化基子安簡舉正呂文靖夷簡子惠穆公弼正獻公著石元懿熙載子文定中立代敏事恕子恭公執中韓忠獻億子獻肅絳宰相維門下侍郎莊敏鎮范文正仲淹子忠宣純仁叅政純禮曹武惠王彬子武穆璋蔡丞相確子慰太師京子攸樞密魯靖公亮子孝寬樞密王侍郎博文子忠簡子曠

出入將相最久

凡出入將相最久者絳侯周勃從入漢為威武侯相國太尉再為丞相就國凡三十四年頡陰侯灌嬰為昌文侯御史大夫車騎將軍太尉丞相凡三十年酈齊數將兵有功不當侯十二年用父食其故封高梁侯凡六十三年張北平蒼以代相封侯為計相四歲淮南相十四歲御史大夫六歲丞相十四歲比卒凡五十五年司馬宣王

自撫軍大將軍受遺輔政。進太尉。太傅。大都督。凡二十三年。司馬。孚。自司空。至太宰。三十年。桓南郡。溫。自都督。荊州。平蜀。進開府。大尉。大司馬。都督。中外。諸軍。錄尚書事。楊越公。素。以御史大夫。為行軍元帥。僕射。尚書令。司徒。司空。太子太師。出入將相。俱二十七年。劉江夏。義恭。自都督。荊州。進司空。司徒。錄尚書。太尉。太保。太傅。領大司馬。太宰。三十四年。長孫趙公。無忌。以尚書左僕射。罷政。為開府。司空。後去尚書。門下省。加司徒。太子太師。後同三品。加太尉。檢校中書令。知門下省。加太尉。任公輔者。三十六年。李英公。勳。初授大將軍。至左僕射。司空。太子太師。出入將相。垂五十年。鄧汾陽。子儀。以使相。進司空。司徒。副元帥。尚父。太尉。二十六年。滿中書令。二十四考。裴晉公。度。四為同平章事。三建節。一留守。官司司徒。侍中。中書令。凡二十五年。錢吳越王。鏐。建鎮海鎮東節。加太尉。太師。中書令。尚父。天下兵馬。大元帥。凡四十年。張齊王。全義。自河南尹。建節。加太師。尚書令。天下兵馬。副元帥。凡四十年。馬楚王。殷。建武安四鎮節。加太師。天策上將。凡三十八年。趙韓王。普。三為首相。三建節。一為西京留守。左僕射。太子太保。司空。司徒。侍中。太保。中書令。凡二十有九年。文潞公。彥博。再首相。一平章軍國。一首元樞。五換節令。兩鎮。加侍中。司空。司徒。太尉。太師。垂五十年。蔡魯公。京。

自左僕射入。凡五拜相。一為司空。太尉。太子少師。太子太師。再授太師。領三省事。凡二十三年。史。魏。王。浩。一為右僕射。右丞相。樞密使。三領祠。加少保。少傅。太保。太師。凡三十二年。安童三為中書右丞相。一鎮北邊。垂四十年。春秋戰國時。管仲以桓公元年執齊政。至卒。凡四十一年。魏。冉。以昭襄王元年為將軍。執秦政。封侯。十二年為相。至罷。凡三十六年。白起以昭襄十三年為大將。至五十年而罷。凡三十七年。廉頗以趙李成王十六年為將。四十年。宰相秉政之久者。漢。蕭。鄒。賈。何。漢元年為丞相。進相國。至惠二年卒。凡十四年。張。北。平。蒼。文帝前四年為丞相。至後四年免。凡十四年。霍。博。陸。光。以後元二年為大司馬。大將軍。秉政。至地節二年卒。凡二十年。王。陽。平。鳳。以竟寧元年如光官。秉政。至陽朔三年卒。凡十一年。吳。廣。平。漢。以建武元年為大司馬。豫政。至二十年卒。凡二十年。曹。太。祖。操。以建安三年為司空。擅政。至進丞相。魏。王。卒。凡二十五年。諸。葛。武。侯。亮。以章武二年為丞相。秉政。至建興十一年卒。凡十四年。晉。王。始。興。導。以建武元年為驃騎將軍。錄尚書事。進司空。司徒。太保。丞相。以咸康五年卒。凡二十二年。謝。廬。陵。安。以寧康元年為僕射。秉政。進衛將軍。太保。以太元十二年卒。凡十二年。劉。高。祖。裕。以義熙四年為開府儀同三司。錄尚書事。擅政。進太傅。相。國。宋。王。至



永初元年。凡十三年。宋劉彭城義康。以元嘉六年為司徒兼政。十七年以大將軍出督。凡十二年。魏長孫北平嵩。以天興元年為司徒輔政。進太尉柱國大將軍。以太延元年卒。凡四十年。高神武歡。以中興元年為太師大丞相擅政。天平十二年卒。凡十六年。宇文太祖泰。以太昌三年為丞相擅政。齊王廓三年。以太師大冢宰卒。凡二十三年。隋高齊公頴。以開皇元年為左僕射輔政。至罷。凡十九年。唐房梁公玄齡。以貞觀元年為右僕射輔政。進司空。至卒。凡二十一年。李晉公林甫。以開元二十三年同中書門下三品擅政。天寶十載。以左僕右相文部尚書院。凡十九年。元進賢。載以寶應元年同中書門下平章事兼政。大歷十二年誅。凡十六年。宋秦申王檜。以紹興八年右僕射同平章事再擅政。進少保太師。以二十四年死。凡十七年。史衛王彌遠。以嘉定元年為右丞相樞密使擅政。進少師太傅太師。以寶慶六年卒。凡二十七年。賈魏公似道。以開慶元年為少師右丞相樞密使擅政。進太師平章軍國重事。德祐元年竄。凡十七年。此皆首尾在政府者也。國朝文臣蒞事之久者。李韓公善長。掌中書省十年為太師。二十三年。蹇忠定公義。在吏部。胡忠安滌。在禮部。楊文敏榮。在內閣。俱三十餘年。黃忠宣福。為尚書四十年。楊文貞士奇。在內閣四十二年。夏忠靖原吉。

鄧忠襄資在戶部。金文靖幼致在內閣。俱二十五年。彭文憲時。萬文康安。劉文靖。德及嚴分宜嵩。在內閣二十年。于肅愍謙。為巡撫十八年。周文襄忱。為巡撫二十一年。商文毅輅。劉文穆言。李文正東陽。在內閣俱十八年。鳳翔知府扈遲。二十九年。陝西寧州知州劉綱。三十三年。腰玉久者。劉文靖三十一年。嚴少師二十七年。謝文正二十九年。王瑞毅二十二年。楊文貞二十年。徐少師三十年。呂少傅本三十四年。至黃文簡准。以永樂甲申右庶子主考會試。后以宣德癸丑致仕。少保謝恩。主會試。相去三十年。謝文正遷。以弘治乙卯入相。至嘉靖戊子復召。相去三十年。費文憲宏。以正德辛未入相。辛巳再召。至嘉靖乙未三召。相去二十五年。可謂舊德勳臣久任者。徐中山為將。相近三十年。掛將軍印。復十七年。湯東甌王和。馮宋公勝。為大將。俱三十年。沐定遠侯晟。以國公掛將印。守雲南三十年。張定王輔。永樂元年封伯。及國公至。歿四十七年。為太師三十六年。子寧陽公懋。九歲襲封公。至沒六十七年。統五軍及十二營。共四十餘年。為太師二十年。徐興安亭。自伯至侯。迨卒時五十五年。朱宣平。永總十二團營兵馬。為首帥三十五年。潭新寧祐。天順元年襲爵。加保傅。掌禁兵。迨卒時。凡六十九年。毛伏羌。統成化五年襲爵。加宮保。迨卒五十五年。鄧翊公勛。自加

太保至太師凡三十餘年。總十二團營兵。亦二十餘年。朱成公輔守備南京三十四年。其孫恭靖王希忠自太保至太師已三十餘年。入直亦三十年。陳瑞安韶襲封至加保傳卒凡五十八年。子總以少保掌府事為帥五十八年。享伯爵六十九年。徐魏公備襲封至卒再撫督守備五十四年。其孫鵬舉自襲至卒三提督守備五十六年。蔡太保震以成化二年選以嘉靖乙未卒。凡七十年。趙軍永樂十一年。一金川門太守以長公主配之事六朝。掌都督□□□□□□。顧鎮遠襄總兩廣督濠一為□□□□□□□□十年。享侯爵五十餘年。張英公溶享□□□□四十六年。加宮保掌府亦三十年。鄭武安亨諱永寧廣任寧遠禮。周太保尚文為邊將垂四十年。

### 珮六國印

蘇秦佩六國相印。漢五利將軍亦珮五利天土地士。大通天道五將軍及樂通侯。凡六印。戰國犀首珮五國相印。唐王忠嗣為河西隴右節度使。權朔方河東節度使。佩四將印。為六國上將者。公子無忌。五國上將者。項籍。退朝錄記宋時歷三師三公者。天雄節度符魏王彥卿。自守太尉為太師。定難節度西平王李中令。彛興自守太傅。為太尉。荆南節度使南平王高中令。保融自守太保為太傅。趙令以司徒太保侍中。

在中書以太保中書令留守西京。又以太師西京養疾。王文正以司空司徒太保在中書以太尉罷為玉清昭應宮使。漢世五為三公者胡廣。四為三公者楊賜。三為三公者黃瓊。楊彪。唐五入相者蕭瑀。裴度。崔儉。四入相者韋巨源。姚崇。韋安石。三入相者武承嗣。武攸寧。豆盧欽望。武三思。李嶠。李懷遠。崔湜。劉幽求。張說。張延賞。王鐸。鄭畋。五季三入相者馮道。宋五入相者蔡京。三入相者趙普。呂蒙正。呂夷簡。張士遜。文彥博。春明退朝錄載學士三入者李文正。劉中山子儀。宋景文。范景仁。四入者李邕。鄴。五入而一不上拜六世尚主者魏太尉穆崇子太尉觀。尚宜陽公主。觀子征東大將軍中書監壽。尚樂陵公主。壽子中書監平國。尚城陽公主。平國子中書監巖。尚新平公主。巖子尚書令司空亮。尚中山公主。彥子開府中書監紹。尚瑯琊公主。三尚公主者宋彭城王劉景仕。魏至大將軍前後尚武邑。建興平。陽凡三公主。國朝九珮大將軍印者徐中山王達。一以中書左相國掛大將軍印。平吳。一以中書右丞相信國公掛征虜大將軍印。北討。一以洪武三年正月掛印西討。一以四年掛印北平山西練兵。一以五年掛印西征。一以五年掛印二地練兵。一以九年掛印鎮守北平。又十六年掛印鎮西平。又十七年掛印鎮北平。凡佩大將軍印一。佩征虜大將軍印八。

佩將印者。宣平王朱永初以武寧伯總十二營。繼以靖虜將軍討荆襄。佩封侯。一以平胡將軍拒虜。一以平虜將軍拒西虜。世侯。一以將軍印討東虜。進封公。復以將軍印破大同虜。世襲。復以鎮朔大將軍總宣大兵。加太子太師。遞總京營。又威寧侯仇鸞。初掛靖虜將軍印。鎮寧夏。再以征蠻將軍印。鎮兩廣。三以都護前軍護駕。承天。四以征夷將軍討安南。五以平羗將軍鎮甘肅。六以太子太保。征西前將軍鎮大同。七以平虜大將軍禦虜。八以太傅繼京營戒政掛印。七珮將軍印者。卻懷佐永。正德甲戌。以都督僉事。珮征西前將軍印。鎮大同。乙亥。以鎮朔將軍鎮宣武。丁丑。以平虜將軍左都督。征吐虜。卷已卯。以征虜前將軍鎮遼東。丙戌。再以鎮朔將軍鎮宣府。癸巳。充平虜將軍總宣大。癸卯。仍以鎮朔將軍鎮宣府。凡八為大將。七掛印。大唐遺事。徐堅多識典故。七入書府。漢馬融以博通典故。三入東觀國朝。朱恭靖王希忠。十主瓊林宴。代郊天大禮三十餘次。胡惠安公滌為禮部尚書。自宣德丁未。至景泰甲戌。凡十知貢舉。王文安公英。永樂丁酉。以翰林侍講。主應天試。庚子。癸卯。復以侍講。俱主順天試。永樂戊戌。以侍講。宣德庚戌。以左春坊大學士。正統壬戌。以禮部左侍郎兼學士。俱主會試。錢侍郎習禮。永樂丙午。以翰林侍讀。主應天試。宣德壬子。以侍讀。學

士正統戊午以學士俱主應天試宣德庚戌以侍讀己未乙丑俱以學士主會試二公皆六典文衡潘公季馴初以僉都理河道丁憂歸再以副都任三以右都御史任以宮保尚書歸四復以右都御史任凡四總河道楊文襄公一清初以總副都總制三邊再以右都起總制平安化王難三以致仕入侍大學士提督三邊王襄敏公越初以左副都破西北虜再以威寧伯破西北虜三以太子太保總制二公俱三總三邊若張定興輔之三下南交王忠毅驥之三下滇南陶少保琰之三總漕運曾學士際王文端直徐文靖溥之三主會試皆盛事也又王忠毅驥凡七為督帥初以尚書提督甘涼軍務還部再以尚書總督討朵兒只伯三以尚書總督軍務討麓川思任發四以靖遠伯總督討思機發五仍討思機發六掛征蠻將軍印平貴州苗七總督南京守備王襄敏越初以副都御史總督延綏破紅鹽池虜再以太子太保尚書總督大同破威寧海虜三以威寧伯總督破山東墩虜四以太子太傅總督五軍十二營兵馬五以平胡將軍總兵北征六以征西前將軍鎮守大同七以靖虜副將軍鎮守延綏八以太子太保左都總督陝西甘涼寧夏延綏軍務八為督師

官塔繁貴

官名有極貴而極繁者。聊志其一。二唐有回天再造竭忠守正功臣。太尉檢校太師中書令。諸道兵馬元帥。判左右神策六軍十二衛事。護國宣武宣義忠武四鎮節度管內觀察處置營田等使。鹽鐵度支戶部三司都制置等使。解池榷鹽使。梁王朱全忠。宋有開吳鎮越崇文耀武宣德守道功臣。太師尚書令兼中書令。天下兵馬大元帥。鎮海鎮東軍節度管內觀察處置等使。上柱國吳越國王。食邑九萬七千戶。實封一萬六千九百戶。入朝不趨。劍履上殿。錢俶。元有元德上輔廣忠宣義正節振武佐運功臣。太師開府儀同三司。秦王。荅刺罕。中書大丞相。上柱國。錄軍國重事。監修國史。兼徽政院侍正。昭功萬戶府都總使。虎符威武。阿速衛親軍都指揮使司。達魯花赤。忠翊侍衛親軍都指揮使。奎章閣大學士。領學士院。知經筵事。太史院宣政院事。也可千哈必陳。千戶。達魯花赤。宣忠幹羅思扈衛親軍都指揮使司。達魯花赤。提調回回漢人。司天監。郡牧監。廣惠司。內史府。左都威衛使。司事。欽察親軍都指揮使。司使。宮相。都總管府。領大禧宗禋院。兼都典制。神御殿事。中政院事。宣鎮侍衛親軍都指揮使。司提調。哈刺赤也。不干察兒。領隆祥使。司事。敝藩臣也。全忠伯。顏權臣也。又官名有非人臣宜稱者。總百揆。司馬。昭。司馬。炎。桓。玄。劉。裕。蕭。道。成。蕭。衍。高。洋。陳。霸。先。楊。堅。李。

淵朱全忠也稱宰衡者漢王莽東晉王彤也稱天柱大將軍者魏爾朱榮也有稱大上秦公者魏胡國珍也有稱無上王者魏莊帝兄子劼也有稱宇宙大將軍都督六合諸軍事者梁侯景也有稱天地太師者成范長生也有稱回天再造功臣者朱全忠也有稱皇天之下一人之上者元帝師也有稱安國相王者睿宗也有稱鎮國大長公主者睿宗妹太平公主也

### 文武交互異數

國朝王靖遠驥王咸寧越皆繇制科累官尚書右都御史而一掛平蠻將軍印一掛平胡及靖虜副將軍印李文忠以左都督而兼掌國子監祭酒王新建守仁以戰功封伯而從祀文廟楊興濟以布衣散曹而位左都御史兼掌禮部及左軍都督府印職兼文武卓冠千古嘉靖間內閣嚴徐李皆賜服麒麟麒麟公侯服也而成國公朱希忠京山侯崔元左都督陸炳等以玄壇供奉服仙鶴仙鶴文臣一品服也成化以后文臣賜麟不為異而公侯伯武臣賜鶴則罕矣春明退朝錄唐文武參用袁滋自尚書右丞出華州刺史召為左金吾衛大將軍如是者數人本朝工部侍郎王公明兼黃州刺史給事中喬公維岳換海州刺史三司使尚書右丞李公士衡換同州觀



察使學士承旨刑部尚書李維翰換相州觀察使翰林學士工部侍郎陳公堯咨換  
宿州觀察使如錢鄧州及慶歷初韓范龐王四公皆換觀察使以用兵擢之龍圖閣  
直學士李良換秦州防禦使非美遷也。武臣換文資者。太宗時白州刺史錢昱換祕  
書監遷工部侍郎復換觀察使。今上以二科武舉陳啟新言事稱旨特授史科給事  
中。河南巡按御史張任學自疏改官上命改河南總兵官。王元美皇明盛事載兵部  
尚書單安仁左布政使張真等以武弁起家。

少年早達

英齡早達者。顓頊十歲相少昊帝。嚳十五相。顓頊。唐堯十五相。帝摯。甘羅十二為秦  
上卿。介子推十五為楚相。韋康成十五為郡主簿。司馬元顯。高澄俱十六開府輔政。  
崔英十七而為符秦諫議大夫。子奇十八為東阿守。張緬十八為漢淮南守。賈誼十  
八為博士。終軍二十為謁者。安童二十一為丞相。董賢二十二為大司馬。劉義康二  
十三為司徒錄尚書事。劉休仁二十三為司徒尚書令。霍去病二十四為大司馬。郇  
禹二十四為大司徒。蕭子良元勰俱二十六為司徒錄尚書事。安童子兀都帶亦以  
二十六為大司徒。宇文泰二十七為丞相。高岳二十七為太尉。高液二十七為太師。

錄尚書事。脫脫二十七為中書右丞相。王儉二十九為僕射。秉政。伯顏三十為中書左丞相。廉希憲三十為中書平章事。王溥三十二為平章事。范宗尹三十二為右僕射。張俊三十二為元樞將帥之少者。齊王憲十六為益州總官。霍去病十八為嫖姚將軍。封侯。鄧禹二十三拜前將軍。定關中。賀拔岳二十六為大都督。淮陽王李道玄十九為洛州總管。鄭國公羅士信二十為行軍總管。盧祖高二十三拜光州總管。杜伏威二十三拜東南道大行臺。吳王李勣二十六拜大將軍。封英國公。國朝早達者。楊少師廷和。十二歲舉鄉試。趙中丞時春。十四中經魁。蔣文定冕。十五中解元。王庶子臣。十六登進士。李少師東陽。費少師宏。何提學景明。張太師居正。劉侍讀虞夔。俱十六中鄉試。李少師東陽。十七歲進士。余工部毅。十七中解元。王侍講洪。十八第進士。洪舍人鍾。陳修撰景著。十八中探花。趙中丞時春。十八中會元。王兵侍偉。楊少師一清。王叅政慎中。蔡侍郎汝楠。俱十八第進士。王禮侍弘誨。十八歲中解元。王布政景坤。十九中解元。吳吉士鴻功。亦十九中解元。舒編修弘志。十九中探花。費少師宏。二十歲中狀元。鄧司成守益倫。司成以訓。俱二十中會元。戴編修大賓。二十中榜眼。徐少師階。二十一歲及第。拜翰林編修。李提學夢陽。二十一中解元。林修撰大欽。

二十二中狀元施修撰。二十三中狀元部太宰瑛。二十四歲為布政司參議。項公文耀。二十八為兵部侍郎。韓襄毅。二十九為僉都御史。楊文敏。崇。胡文穆。廣。俱以三十二入內閣。解學士。縉。三十三以侍讀入閣。于肅。愍。謙。三十三為兵部侍郎。陳節。愍。治。三十四為吏部右侍郎。彭少保。特。三十四以修撰入內閣。鐵公鉉。以三十六為兵部尚書。李公友直。以三十六為刑部侍郎。許公部。為工部侍郎。李公宴。為禮部侍郎。孫公得。副都御史。商少保。輅。以侍讀入閣。胡司法。執禮。為太僕寺卿。夏忠定。原。吉。三十七為尚書。劉公虞。夔。三十七以太常少卿掌翰林院。吳公中。三十七歲為尚書。胡晏子。昭。三十八歲為刑部侍郎。許公思。溫。為吏部侍郎。四十歲。蹇忠義。為吏部尚書。黃忠。宣。福。為吏部尚書。申少保。特。行。以少詹兼學士。四十一歲。徐少師。階。為禮部侍郎。四十二歲。部。忠。襄。資。為戶部尚書。呂公震。為刑部尚書。吳文。懿。原。彭文。憲。時。俱入閣。費少師。宏。為禮部尚書。四十三歲。張太師。居。正。為武英殿大學士。四十四歲。呂公震。為禮部尚書。張公居。正。加少保。太子太保。四十五歲。白恭。敏。圭。為工部尚書。王襄。敏。越。為右都御史。俞肅。敏。子。俊。為兵部尚書。張公采。為吏部尚書。至武功之顯者。張寧。陽。王。懋。九歲。襲封英國公。鄧寧。河。愈。十六歲。為中軍先鋒。沐都督。昂。十七歲。以

戰功僉都督徐武寧王達二十二為統帥二十八歲李歧陽王文忠為行省平章沐  
昭靖英為都督同知沐定遠晟封黔國公馮宋公勝為右都督兼僉事三十歲朱定  
襄王希忠加太保掌京營三十一歲朱東平王能封成國公三十二歲李歧陽文忠  
封曹國公三十四歲鄧寧侯封衛國公馮宋公封宋國公沐昭靖封沐寧侯三十六  
歲徐中山封信國公張定興輔封英國公三十七歲常開平遇春封鄂國公三十九  
歲徐中山為太傅封魏國公又春明退朝錄載宋時宰相趙令盧相文潞公四十三  
登庸寇萊公四十四王沂公四十五賈魏公四十八樞密副使趙令三十九寇萊公  
三十一晏元獻三十五韓魏公三十六叅知政事蘇侍郎易簡三十六王沂公三十  
九知制誥蘇侍郎二十六王沂公二十七盧相楊文公晏元獻晏宣獻王宣徽拱長  
皆二十八夏文莊三十學士蘇侍郎二十八晏元獻王宣徽皆三十宣獻三十五王  
沂公李邯鄲三十六楊文公錢子飛皆三十七盧相王叅政禹玉皆三十八

附錄王元美記文人早夭者夏侯榮七歲屬文十三歲戰沒林傑六歲能文十七  
歲卒夏侯攸十八歲卒袁著十九歲卒邢居實二十歲卒王勃二十一歲何焜二  
十二歲王延壽二十四歲袁佗二十五歲禰衡王訓李賀俱二十六歲衛珍王融

俱二十七歲。邵奕、陸碩俱二十八歲。沈友二十九歲。阮瞻到鏡。孔熙先、劉訐、歐陽達俱三十歲卒。

### 高年居位

大臣高年居位者。伊尹、太公畢召外。張蒼、范長生、夾谷吾里補俱近百歲。為丞相。國公百餘歲卒。羅結百十二歲始以外都大官致仕。衛武公九十五而為周卿士。鬻熊九十而為文王師。高允九十為中書令。九十八以左光祿大夫來敏。九十七以執慎將軍。呂岱九十六以大司馬。李先九十五以內都大官。司馬孚九十三以太宰。都督中外諸軍。士燮九十三以交州牧。王盤九十二以翰林學士。劉實九十一以太尉。張儉以太師。夏侯勝九十以太子太傅。楊統九十以光大大夫卒。張萬福八十餘以工部尚書致仕。九十卒。食祿七十年。未嘗一日病。王裕之八十八以左光祿大夫開府儀同三司。王起八十八以左僕射同平章事。鄒冉八十五以司徒罷。鄒級八十五為華州牧。王祥八十四以太保。睢陵公致仕。鄒子儀八十五以尚父太尉中書令。汾陽王趙熹八十四以太傅。張儉八十四以衛尉卒。史浩八十四以太保。衛國公致仕。八十。九以太師卒。喬行簡八十五以少傅平章軍國重事乞祠。趙充國八十餘以后將軍。

榮平侯罷就第。八十六卒。國朝儀少宗伯智滿八十致仕。正統中。楊文貞士奇八十以首揆終。天順初。胡忠安澆八十二始以大宗伯得請。王靖遠驥八十二復為大司馬。成化初。王忠肅翱八十四為太宰。正德初。馬端肅文升八十一始以太宰得請。嘉靖初。謝文正遷以八十復相。嘉靖末。嚴分宜八十三始以首揆斥免。崔文奎八十六以太僕卿致仕。劄祥年八十餘。猶為工部侍郎。黎明八十為尚書。其次秦襄毅竑。七十九尚總三邊。黃忠定福。七十八尚叅贊機務。黃太宰宗戴。七十八尚任統均。李韓公善長。七十七為太師。王端毅恕。七十七為太宰。楊文襄一清。七十六為少師。隆萬中海忠介。七十三起右僉都御史。丁堪。七十九為按察使。孫桓。七十八為工部尚書。雖功業名望不同。皆以高年處尊顯者也。若晚達之可異者。梁灝八十二狀元及第。陳修已七十三及第。金章宗時。河中府進士胡光謙八十三歲始策名。

### 內職移為將相

有內職而移為將相者。中書令。樞密使。漢官兼內外人者。將作郎。大長秋。有內臣而真為宰相者。秦丞相趙高。魏太師大司馬都督中外諸軍錄尚書馮翊。王宗愛。唐尚父司空中書令博陸王李輔國。南漢太師內樞密使龔托。宋師領樞密院事廣陽王。

童貫少保梁師成元大司徒領中書左丞相李邦寧有儒臣而入為內臣者太史公  
司馬遷為中書令有內臣而出領儒臣者內侍監魚朝恩兼判國子祭酒南漢自狀  
元及第及雅士名儒俱先下蠶室而後得入用事抑何不幸也宣德中金吾衛指揮  
同知傅廣自宮請効用內廷上曰此人已至三品更欲何為而勇于自殘下法司問  
罪則可謂之人妖矣又樂巴初以天闕為中黃門后陽道開通自言出列鄉郡張平  
養子蚝通于平妾因自割其勢后事符堅至大將封侯號萬人敵傳不載其割勢事  
見十六國春秋楊素弟約少為查所傷遂成宦者后為內史令封郡公而無子樊叔  
畧長九尺被腐為高氏給使殿省走周累典大郡封清鄉縣公見循吏傳又先為道  
士仕宦者唐侍中魏徵丞相盧程先為僧仕宦者宋湯惠休蔡京唐賈島為僧道而  
舉進士者唐劉軻由僧徑拜大位者唐左衛大將軍梁國公懷義元太保叅議中書  
省劉秉忠明太子少師姚廣孝由道士徑拜大位者唐嵩山于什方為正諫大夫同  
中書門下平章事葉靜能為國子祭酒鄭晉思為秘書監尹悖為諫議大夫明邵元  
吉為禮部尚書陶仲文為少師恭誠伯

三及第俱拜相

嘉靖壬戌一科。首甲三人。狀元申時行。榜眼王錫爵。探花余有丁。皆大拜位。師傳萬歷丙辰。狀元錢士升。榜眼賀逢聖。探花林鈺。亦俱大拜。但在位俱不久。其最不顯。而又不利者。無如嘉靖癸丑。狀元陳謹。為亂卒所毆死。榜眼曹大章。以廢疾罷。復用骨受商人財。削職為民。探花溫應祿。次年即舉家疫死。洪武丁丑。狀元陳郊。同劉鐸。俱責徙安置。取回俱殺之。尹昌隆。以中允下獄死。歐陽永叔。歸田錄。自太宗崇獎儒學。驟擢高科。至宰輔者多矣。太平興國二年。至天聖八年。二十三榜。由呂文穆公蒙正而下。大用二十七人。而天聖五年一榜。是歲王文安公堯臣第一。今昭文相公韓僕射琦第二。西江叅政趙侍郎槩第三人也。為科場盛事。自景祐元年已後。至今治平三年。三十餘年十二榜。五人以上。未有一人登兩府者。亦可怪也。

### 父子兄弟狀元

自古父子狀元。宋梁灝及子梁固。安德裕及子安守亮。張去華及子張師德。止三家耳。國朝嶺南倫諭德文叙中會元。狀元長子通叅。以諫中解元進士。次子祭酒。以訓復以解元。及第第二人。少子以誥亦成進士。父子兄弟。皆捷制科。合三元而贏其二。古未之有也。兄弟狀元者。唐貞元七年閩州尹樞。元和八年尹極。乾符二年崔昭緯。



景福二年崔昭矩光化二年歸修天祐二年歸係及宋陳堯叟堯咨淳化三年孫何咸平元年孫僅宋祁廷試第一兄郊第三而唱名太后改郊第一亦兄弟狀元國朝長樂馬某有子鐸而妻妬不容嫁之同邑李氏生子騏后鐸中永樂壬辰狀元騏戊戌狀元異姓實同母騏初名馬又永樂丁酉解元亦奇于前代也又國朝父子高魁者餘姚謝遷以成化甲午解元登乙未狀元而子丕以弘治辛酉解元為乙丑探花太倉王錫爵嘉靖壬戌會榜眼而子衡以萬歷戊子解元中辛丑進士第二人廷試榜眼吉水劉應秋以萬歷壬午解元中癸未探花而子同升中崇禎丁丑狀元福州林賜林僑父子解元莆田黃壽生曾孫乾亨玄孫如金三代解元

### 三兄弟同舉

三兄弟同舉者南昌劉一焜劉一煜劉一燦俱中萬歷戊子科江西試華亭張拱端張履端張軌端俱中萬歷壬子科應天試兄弟先後舉制科者蘇郡沈巡撫珣副使琬知縣琦南昌劉閣學一燦員外一煜巡撫一焜韓城解主事經傳兄經雅弟經邦歙縣洪大行輔聖巡撫佐聖叅政翼聖進賢饒侍郎景暉廉憲景曜叅政景暉寧國梅叅政守相僉事守峻布政守和嘉興岳侍郎元聲巡撫和聲太常卿駿聲丙戌會元

袁宮踰宗道壬辰進士吏部郎中宏道丙辰進士南吏部郎中中道則同胞三甲第也。太倉周墨弘治乙丑進士弟坤正德戊辰進士在正德甲戌進士。嘉靖辛丑進士。金壇周吏書應秋與弟廷侍秦峙維持山陰周禎周仍周祚周鐸餘姚孫太宰鏞庶吉士鈺太常卿銔大司馬鏞鄞縣戴鰲戴鯨戴鰲戴鰲京山李禮書維禎弟維標維柱維極戈陽汪佃汪傑汪俊汪偉曹縣王崇文崇獻崇仁崇儉臨海王主政士松方伯士琦僉都士昌鴻臚卿士性武進吳大理亮方伯玄知縣奕行人究則同胞四甲弟也。唐闕史盧丞相渥軒冕之感近代無比伯仲四人咸居顯列乾符初母憂服闋渥自前中書舍人拜陝府觀察使又旬日其弟經自前長安令除給事中又旬日弟治自前集賢校理除左拾遺又旬日弟沼自畿尉遷監察御史詔書登至士族榮之及赴仕自居守分司朝臣以下互設祖筵遮于行路都人觀者自臨都驛以至於行凡五十里洛城為之一空又張環兄弟七人並舉進士卓異記使下書記必擇有文學得時稱者任之盧簡能為夏州掌書記弟簡詞為河孟掌書記弘正為昭義掌書記簡求為鄂州掌書記兄弟四人並當斯選時無其比

同胞三甲榜臨川陳文燧陳文耀陳文昊興化解學夔吏部叅政解學龍兵部侍

郎解學尹禮科給事中

三元

唐有四元。崔延翰。又為制科首也。宋三元。則王丞相曾。楊學士寘。馮樞使京。金三元。則孟學士宗獻。王僉憲宗哲。明三元。則商少保輅。若歐陽少師修。則本州及太學禮部試稱三元。而廷試在第五。非真三元也。國朝以會元而狀元者。洪武乙丑許侍中。觀。成化壬辰吳宗伯寬。弘治庚戌錢修撰福。弘治己未倫宮諭文叙。萬曆甲辰楊守勤。庚戌韓敬。癸丑周延儒。己未莊際昌。解元而狀元者。吳學士宗伯。洪武庚戌解元。辛亥狀元。林侍講環。永樂乙酉解元。丙戌狀元。蕭修撰時中。永樂戊子解元。辛卯狀元。陳少保循。永樂甲午解元。乙未狀元。柯少詹潛。正統丁卯解元。景泰辛未狀元。彭侍講教。天順壬午解元。甲申狀元。謝少傅遷。成化甲午解元。乙未狀元。李少宰昊。成化庚子解元。甲辰狀元。楊光祿惟聰。正德己卯解元。辛巳狀元。解元而會元者。黃太常子澄。洪武甲子解元。乙丑會元。施御史顯。洪武丁卯解元。戊辰會元。陳僉事燧。永樂戊子解元。己丑會元。林宮諭誌。永樂辛卯解元。壬辰會元。洪右都英。永樂甲午解元。乙未解元。楊司徒鼎。正統乙卯解元。己未會元。姚太宰夔。正統戊午解元。壬戌會

元王少傅鑿成化甲午解元乙未會元儲侍郎壘成化癸卯解元甲辰會元汪宗伯  
俊弘治壬子解元癸丑會元李少師廷機隆慶庚午解元萬歷癸未會元三試魁元  
者除楊守勳兩元而鄉試第三人李廷機林誌解元會元而廷試復第二王鑿解元  
會元而廷試第一陳循彭教解元狀元而會試第二人謝遷解元狀元而會試第三  
人至花解元綸會試殿試俱第三楊狀元慎鄉試第三會試第二陳會元瀾袁會元  
煒鄉試第二廷試第三王會元錫爵鄉試第四廷試第二金會元達鄉廷試俱第三  
謝解元丕會試第四廷試第三陶會元望齡鄉試第二殿試第三至正統己未會元  
楊鼎以解元登第一甲第二人壬戌會元姚夔以解元第二甲第一人乙丑會元商  
輅以解元登第一甲第一人楊以太子太保卒謚莊敏姚以太子少保卒謚文敏商  
以少保卒謚文毅三公連三科俱己巳年起拜俱不歷卿寺館壘為奇也狀元官至  
一品者少師前費公少傅前謝公李公少保前陳公商公彭公顧公成化狀元太子  
太傅張公昇弘治狀元太子太傅毛公澄嘉靖狀元少師申公時行會元一品者前  
少保商公少傅王公少師梁公太子太保張公少傅袁公太子太保王公石林燕語  
宋特狀元為相者四人呂文穆王文正李文定廸宋光憲祁文穆登第十二年拜文

正二十一年。文定二十七年。文正文定皆再入。而文穆三入尤奇。其後又有留夢炎。文天祥。

歷代狀元

唐宋以來。狀元科第姓名可考者。唐高祖武德元年。孫伏伽止稱第。高宗咸亨元年。進士五十四人。狀元杜易簡。上元二年。進士四十五人。狀元鄭益。武后垂拱元年。狀元吳道古。垂拱三年。狀元陳伯玉。中宗神龍元年。進士六十一人。狀元姚仲豫。玄宗開元元年。進士七十一人。狀元常無名。開元二年。進士十七人。狀元孫逖。四年。進士十六人。狀元范崇凱。五年。進士二十五人。狀元王維。十一年。進士三十一人。狀元源少良。十二年。進士二十一人。狀元賈季陽。二十年。進士二十四人。狀元徐徵。天寶三年。進士二十九人。狀元羊襲吉。六年。進士二十二。人。狀元楊護。十年。進士二十人。狀元李臣卿。十二年。進士五十六人。狀元楊衆。十三年。進士三十五人。狀元楊肱。肅宗乾元二年。進士十七人。狀元無代宗寶應二年。進士二十七人。狀元洪源。又狀元蕭無考。大歷四年。進士二十六人。狀元齊映。五年。進士二十七人。狀元王儲。十三年。進士二十一人。狀元楊凝。十四年。進士二十八人。狀元王縉。德宗二年。狀元牛錫。貞

元七年狀元尹樞八年狀元賈稜十年進士十八人狀元李程十三年進士三十人

狀元鄭巨源十五年進士十七人狀元封孟紳十八年進士二十三人狀元徐敏憲

宗元和元年進士二十三人狀元張又新五年進士三十二人狀元李願行七年狀

元李固言八年狀元尹極閬州人十一年進士三十二人狀元鄭獬十三年進士三

十二人狀元獨孤梓十四年進士三十一人狀元韋謏寶歷元年狀元柳璟二年進

士三十五人狀元裴球文宗太和元年狀元盧儲四年狀元宋祁五年狀元李遠州

人八年進士二十五人狀元李餘成都人九年進士二十五人狀元鄭權開成元年狀

元李肱三年進士四十人狀元裴思謙武宗會昌二年進士三十人狀元鄭顥三年

進士二十二人狀元盧肇宜春人與同郡黃頗齊名同日赴舉郡守錢頗而已明年

然奪得四年進士二十五人狀元鄭言五年狀元張濟六年進士十六人狀元狄思

慎七年狀元顧標宣宗大中元年進士二十二人狀元盧深五年進士二十七人狀

元李郃十一年進士三十人狀元崔鉏十二年進士三十人狀元李億又狀元劉蒙

年分懿宗咸通二年進士三十人狀元薛邁二年狀元孫龍光七年進士二十五人

狀元韓褒文公八年進士三十人狀元鄭弘業九年進士三十人狀元歸仁紹十二

卷二 二十

年狀元公乘德十三年進士三十人狀元鄭昌符僖宗乾符二年進士三十人狀元

鄭合敬三年狀元崔昭緯四年進士三十人狀元孫渥中和五年狀元許祐孫昭宗龍

紀元年狀元張曙成都人大順元年狀元楊贊安二年狀元杜荀鶴景福元年狀元崔

昭矩乾寧元年狀元蘇檢二年狀元趙觀文三年狀元崔諤又云沈松四年狀元楊

贊晷光化三年狀元裴格四年狀元歸修蘇州人天祐元年狀元杜德祥二年狀元歸

係蘇州人三年狀元裴說四年狀元崔詹唐亡年五代梁開平二年狀元崔邈貞明口

狀元陳逖后唐同光中狀元王徹曾祖狀元王歸璞簡州人狀元黃仁穎天成三年狀

元郭駿后晉狀元寇湘準之父后周狀元王朴宋景始御殿唱名太平興國二年狀元

呂蒙正三年狀元胡旦五年狀元蘇易簡八年狀元王世則是榜始賜出端拱元年

狀元葉齊澠化三年狀元孫何是科糊名分枝咸平元年狀元孫僅始為小錄用綬謂之金

僅學行文詞傾動場屋既狀元王黃州覽僅文編書曰明年再就堯塔試應被人呼

小狀元后僅果第一黃州復以詩字之云病中何幸忽開顏記曰詩稱小狀元粉壁

乍懸龍虎榜錦標澄屬鶴鶴原咸平二年狀元孫登三年狀元陳堯咨是年分五年狀元王曾景德

二年狀元李迪青箱雜記李文定公廸美鬢御試先一夕夢入剌其鬢俱盡迪

第一大中祥符元年狀元姚暉賜袍笏五年狀元徐奭八年狀元蔡齊東齊遺事宋貞

蔡基威與殿基齊折卷第一一人乃蔡齊也天禧三年狀元王整天聖三年狀元宋郊五年狀元王堯臣八

年狀元王拱辰景祐元年狀元張唐卿景祐五年狀元呂臻寶元元年狀元呂溱慶

歷二年狀元楊寘括異志楊通與楊寘狀元相善夢寘投刺白稱龍首六年狀元賈

黯皇祐元年狀元馮京五年狀元鄭獬嘉祐二年狀元章衡四年狀元劉輝東齊記

史夢火山軍姓劉人六年狀元王俊民八年狀元許將閩縣人治平二年狀元彭汝礪

四年狀元許安世熙寧三年狀元葉祖洽六年狀元余中九年狀元徐鐸元豐二年

狀元特彥五年狀元黃裳八年狀元焦蹈元祐三年狀元李常寧六年狀元馬涓紹

聖元年狀元畢誠四年狀元何昌言元符三年狀元李奎崇寧二年狀元霍端友五

年狀元蔡疑大觀三年狀元賈安宅政和二年狀元莫儔五年狀元何臬重和元年狀

元王昂宣和三年狀元何渙六年狀元沈晦氏族大全沈晦赴省試至天長道中夢

其事宣和中建炎二年狀元李易紹興二年狀元張九成五年狀元汪應辰八年狀

元黃公度十二年狀元陳誠之十五年狀元劉章十八年狀元王佐二十一年狀元

趙造二十四年狀元張孝祥二十七年狀元王十朋三十年狀元梁克家隆興元年

狀元木待問乾道二年狀元蕭國梁五年狀元鄭僑八年狀元黃定瀋熙三年狀元

談



詹駸五年。狀元姚穎八年。狀元黃由十一年。狀元衛溼十四年。狀元王容。紹熙元年。狀元余復。紹熙四年。狀元陳亮。慶元二年。狀元鄒應龍五年。狀元曾從龍。嘉泰二年。狀元傅行簡。開禧元年。狀元毛自知。嘉定元年。狀元鄭自誠四年。狀元趙建太七年。狀元袁甫。十一年。狀元吳潛。十三年。狀元劉涓。十六年。狀元蔣重璠。寶慶二年。狀元王會龍。紹寧二年。狀元黃朴。五年。狀元徐元杰。端平二年。狀元吳叔誥。嘉熙二年。狀元周坦。淳祐元年。狀元徐儼夫。淳祐四年。狀元留夢炎。七年。狀元張淵微。十年。狀元方逢長。寶祐元年。狀元姚勉。四年。狀元文天祥。開慶元年。狀元周震炎。景定三年。狀元方山京。咸淳元年。狀元阮登炳。四年。狀元陳文龍。七年。狀元張鎮孫。十年。狀元王龍潭。元至治元年。狀元宋文。泰定四年。狀元李軸。元統二年。狀元李齊。至正二年。狀元陳祖仁。八年。狀元王宗哲。十四年。狀元朱繼志。二十年。狀元魏光禮。二十三年。狀元楊輓。國朝洪武三年。庚戌。始開科。四年。狀元吳伯宗。乙丑。狀元丁顯。戊辰。狀元任亨泰。辛未。狀元張顯甲。戌。狀元張信。丁丑。狀元陳郊。上親。賜策問。權。狀元韓克忠。建文三年。庚申。狀元胡廣。永樂二年。甲申。狀元曾榮。丙戌。狀元林環。辛卯。狀元蕭時中。壬辰。狀元馬鐸。乙未。狀元陳循。戊戌。狀元李騏。辛丑。狀元曾鶴齡。甲辰。狀元邢寬。

仍用朱書

宣德年丁未狀元馬愉庚戌狀元林震癸丑狀元曹鼐正統元年丙辰狀

元周旋己未狀元施槃壬戌狀元劉儼乙丑狀元商輅

本朝中三元惟輅一入又云許觀亦三元

戊辰狀

元彭時景泰二年辛未狀元柯潛甲戌狀元孫賢天順元年丁丑狀元王一夔癸未

狀元彭教成化二年丙戌狀元羅倫己丑狀元張昇壬辰狀元吳寬乙未狀元謝遷

戊戌狀元曾彥辛丑狀元王華甲辰狀元李旻丁未狀元費宏弘治三年庚戌狀元

錢福癸丑狀元朱希周己未狀元倫文叙壬戌狀元康海乙丑狀元顧鼎臣正德三

年戊辰狀元呂柟辛未狀元楊慎甲戌狀元唐臯丁丑狀元舒荼辛巳狀元楊維聰

嘉靖二年癸未狀元姚涑丙戌狀元龔用卿己丑狀元羅洪先壬辰狀元林大欽

乙未狀元韓應龍戊戌狀元茅瓚辛丑狀元沈坤甲辰狀元秦鳴雷丁未狀元李春

坊庚戌狀元唐汝楫癸丑狀元陳謹丙辰狀元諸大綬乙未狀元丁士美壬戌狀元

徐時行乙丑狀元范應期隆慶二年戊辰狀元羅萬化辛未狀元張元怵萬曆二年

甲戌狀元孫繼臯丁丑狀元沈懋學庚辰狀元張懋修癸未狀元朱國祚丙戌狀元

唐文獻己丑狀元焦竑壬辰狀元翁王春乙未狀元朱之蕃戊戌狀元趙秉忠辛丑

狀元張以誠甲辰狀元楊守勤丁未狀元黃士俊庚戌狀元韓敬癸丑狀元周延儒

丙長狀元錢士升己未狀元莊際昌壬戌狀元文震孟乙丑狀元余煌戊辰狀元劉若宰辛未狀元陳千泰甲戌狀元劉理順

進士分甲第自興國八年王世則榜始御殿唱名自雍熙三年梁顥榜始賜宴自太平二年呂蒙正榜始梁顥宴于瓊林苑蒙正宴于開寶寺遂為定制給金吾衛士送歸第自蔡齊榜始登科錄自霍端友榜始盧氏雜說開成中高諧知舉內出霓裳羽衣曲賦太學創置石經詩進士試詩賦自此始

相國李固言元和六年下第遊蜀遇一老姥言即君明年芙蓉鏡下及第明年果狀元及第詩賦有人鏡芙蓉之目

鄭獬微時夢至一處有小方池梵以明玉蟬浴其中臂生白鱗視水中影頭角已出吏云此玉龍池也皇祐五年及第

張漬會昌五年陳商下狀元及第翰林覆落漬等八人趙胃南貽漬詩曰曾向春風訴酒杯謫仙真個是仙才猶堪與世為祥瑞曾到蓬萊頂上來

撫言孫渥夢積木數百踐其上自謂必中狀元居眾材之上也杜荀鶴舍前椿樹生芝草明年及第以彩飾之安几硯間曰利名草

唐御食紅綾餅餒為上。光化中放進士榜。張格、盧延遜等二十八人宴乎曲江。勅大官賜二十八枚。夢溪筆談。張唐卿進士第一人。及第期集于興國寺。題壁云。一舉首登龍虎榜。十年身到鳳凰池。有續其下云。君看姚暉並梁固。不得朝官未可知。

渾水燕談。元豐中汶上梁遜。一夕夢奏事殿中。具御座前。揭一牌。留金大書黃裳二字。意必貴兆也。因改名。明年御前唱第。南劍黃裳為第一。遜齋閱覽。柳道者能豫知未兆。或問今年狀元何姓。曰。不白不黑。非朱非綠。白亦知其名乎。舉下衣以示。后數日捷音至。乃黃裳也。

度宗崩。幼君諒陰榜。第一名王龍潭。次路萬里。三名胡幼黃。行都為之語曰。龍在潭飛不得。萬里路行不得。幼而黃。醫不得。

王弇州曰。宋恭靖希周。宏治丙辰狀元。盛德為天下師表。雖壽止八十四。而及見嘉靖丙辰狀元諸大綬。

江西成化丙戌狀元羅公倫。以言事外謫。後復官。止修撰。贈左諭德。諡文毅。嘉靖己丑狀元羅公洪先。亦以言事為民止贊善。贈光祿少卿。諡文恭。相去一甲子。大

魁同言事同。講學同。從六品得諡同。贈官從五品同。

正德丁丑狀元舒芬。授修撰。未幾以諫南幸謫外。召復官。卒。萬歷丁丑狀元沈懋學。授修撰。未幾以尚書諫張相。丁憂不合。移病歸。卒。二公才氣畧相同。而修撰皆無滿任。壽皆四十二。

青箱雜記。劉公沆。天聖中赴省。夢被人斫落頭。甚惡。之人解曰。狀元不可得。只得第二。雖斫落頭。留項在。果第二人。及第南部新書。胥偃應舉時。夢徐將軍斬下頭項。作詩云。昔為樹頭花。今為塚中骨。以為不祥。明年徐爽榜第二及第。

韓退之子。綰袞皆擢第。袞為狀元。退之名著山斗。而世不知有狀元袞。吳與弼父吳溥。洪武庚辰會元。而與弼之名特著。王新建守仁父王華。成化辛丑狀元。而新建之名亦遠在海日。上故不朽有三。在此不在彼也。

### 一姓十一解元

江西吉安國朝以來進士拜相者九人。尚書三十人。會元九人。鼎甲三十三人。有同朝三相者。有一姓二相者。有一姓三元者。有一姓十八進士者。一姓而二鼎甲者。凡二家一科而三及第者。凡二科一科而二及第者。凡五科。有一科而登進士至三十七

人者有一科而入翰林遷庶吉士至十四人者舉人則解元四十五人。經魁一百二十五人。有一科二解元者。先後二科合省直也。有一科中式至一百三十六人者。溢于解額合省直及各省也。見部青螺集。又閩莆田黃氏。自本朝開科來。一姓解元十一人。永樂十年戊子。應天解元黃壽生。正統九年甲子。解元黃譽。天順六年壬子。解元黃初。成化四年戊子。解元黃文琳。成化十年甲午。解元黃乾亨。弘治十七年甲子。解元黃如金。正德五年庚午。解元黃廷宣。嘉靖二十三年癸卯。解元黃繼周。二十八年己酉。解元黃大觀。三十一年壬子。解元黃星耀。三十四年乙卯。解元黃懋冲。尚其餘五魁之內。合歷科又不下二十人。又福州永福縣瑞雲峯有古讖云。天寶石移。瑞雲來期。龍瓜花紅。狀元西東。宋乾道間。天寶瑞雲寺。后崖石橫山而行。蓋地成溪。既而此石松上復生龍瓜花。是年蕭國梁魁天下。鄭僑黃定繼之。蕭居冲峯。鄭居龜嶺。黃居龍嶼。當時詩云。冲峯龜嶺與龍嶼。三處山川壯矣哉。相去其間只百里。七年三度狀元來。俱載府誌。亦海內所罕儷也。

閩省賢書載一榜三及第。宣德庚戌狀元長泰林震。榜眼建安龔錡。探花莆田林文一科兩解元同縣者。永樂戊子福建解元楊慈。應天解元黃壽生。宣德壬子解

元林同順天解元宋維俱莆田人隆慶庚午福建解元林奇石順天解元李廷機  
俱晉江人